

讀白華草堂詩集



977585

讀白華草堂詩二集序

國朝

四庫

湖韓江五百里而上梅州之鎮平有黃君香鐵子弱冠卽耳其詩名咸稱爲才子比香鐵以副貢留京師公卿爭欲以科第羅致之香鐵夷然不屑也已卯舉京兆嗣以充國史館繕書將次銓令辭就教職品旣高名益

噪鄭邨者今之河間也讀香鐵詩大歎賞謂乾嘉之際惟洪稚存庶幾頡頏欲延之課世子詩時惠邨亦屬程春海侍郎聘一記室程致書願爲曹邨生勸香鐵往香鐵皆辭焉子聞益慕之神交且萬里也道光丁酉

司鐸吾棉聞其來始而喜旣而疑意近今名士多難嚮

讀白華草堂詩

二集序

一

邨乃刺投蒙倒屣迎胸腑洞然握手歡甚長子二歲遂兄事之晨夕過從得遍讀所著賦鈔經餒史响鐵盒叢筆諸書宏通博洽匪特詩也覺向所聞猶未足盡香鐵也而予之交香鐵則仍以詩得一句必走商易一字常屢質香鐵不以予爲煩間敲香鐵詩一二香鐵不以予爲妄莫逆於心相視而笑己亥春予權廣州郡博屬以一集詩十二卷校付手民重命爲二集序夫以舟好香鐵詩之篤因校讐之役快讀十數遍幸矣學淺識陋烏能序其詩哉且香鐵詩自有定評矣端木鶴田中翰謂香鐵詩精英在外質實在內尤有志於古烈隱迹發揮

其事使生氣在目乃詩家龍門潘四農解元謂香鐵詩
一氣芴魄五光陸離由鍊入工以豪得健大氏風華得
之收之義山爽直取之子瞻魯直兩君並深於詩不輕
許人者其交推香鐵詩如此舟固毋庸贊一詞也校刊
斯集畢爰畧敘其生平并舟得訂交之故於簡端顧生
長隔五百里神交且萬里迨爲我邑師始得相過從迭
唱和蓋兩人春秋俱五十餘矣潮陽笠漁弟陳作舟

讀白華草堂詩二集總目

第一卷 乙酉

古今體詩六十五首

第二卷 丙戌

古今體詩八十首

第三卷 丁亥

古今體詩七十四首

第四卷 戊子

古今體詩八十七首

第五卷 己丑

古今體詩一百零七首

第六卷 庚寅

古今體詩七十七首

第七卷 辛卯

古今體詩九十一首

第八卷 壬辰

古今體詩一百四十八首

第九卷 癸巳

古今體詩八十六首

第十卷 甲午

古今體詩一百一十首

第十一卷 乙未

古今體詩七十九首

第十二卷 丙申

古今體詩九十二首

讀白華草堂詩

目錄

二



鎮平 黃 釗

穀生

入長潭至馬蓼坑口觀春漲

春雲不肯閒動輒釀成雨萬壑匯長河濁流旋如虎來
船駕飛槳水力勇可賈巨魚破浪奔營罟不敢阻呂梁
扼喉吻巫峽鍵門戶生平涉險心屏息在鄉土翩翩石
燕翔嵐氣如出釜想見九驪龍雷霆助飛舞

黃木灣望海

百寶浴扶桑天開獅子洋日光蒸蜃氣水勢撼鴻荒琛
貝雄蕃舶旂幢肅海王坐看潮汐盪神廟有文章

謂韓碑

讀白華草堂詩

二集卷一

古越臺石

層城海氣浮夕陰古臺日暮來登臨越王宮殿委叢莽
秦時狐兔號空林憶昨霸圖橫戰舸雄關自握龍川鎖
避地曾看徐市船傳烽不到咸陽火漢家天子空旌旗
離結白喜儕蠻夷一朝璽書啟關至臣佗味死謹陳詞
千年王迹秋煙掃鐘鼓蒼涼動懷抱朝漢臺邊見落花
大中祠畔餘秋草木棉開遍鷓鴣飛越井岡頭王氣微
空憐戲馬傳觴去不及騎羊採藥歸

六月朔日同人泛舟荔支灣集長日臨流亭子噉

荔歸至光孝寺小憩

關風伏雨海西頭六月涼生鬼子樓一笑芻衣人似鯽
趁潮齊上白蘋洲

長日臨流興未闌水亭開到荔支殘却來跣足潮頭立
呼取龍宮赤玉盤

虬珠百顆勝瓊漿灌頂甘鮮沁齒香認取前身皆荔佛
水羅松界綠荷鄉

昌華故址已依稀紅藕香中一棹歸且與劉郎爭片土
昔人以荔支灣爲昌華苑
故址近有以爲唐荔園者金塗塔下問斜暉

訶林衣鉢渺雲煙初地來叅六祖禪同向風幡堂裏坐
問誰心動木樨前

讀白章草堂詩

二集卷一

二

叢書搜到漢唐時鼠盡蟬枯佛亦疑一樣宰官稱好事
高風應拜仲翔祠

光孝寺東鐵塔歌

寺有東西二塔東塔劉鋹造西塔則龔澄樞造西塔造於大寶

六年

玉皇太子飯婆羅要將南海毗落伽六十州鐵造一塔
將此錯鑄歸曼陀塔記不辨隸與蝸其文浸蝕猶堪摩
大寶十年丁歲勅有司鑄用烏金和其高二丈餘二尺
相輪法座形窳窳曰大法師內供奉設齋慶讚詞無譌
是時沙門淨蠶室波斯點女空袖蛾焚胡子已足妖妄
梁山師更工媿戛刀山劍樹地獄現鑄錢範像淫刑苛

天龍遺卵本蛟蜃金剛杵在當降魔嗟爾生靈已塗炭
豈繫佛力仍撓呵苑羊吐珠稱瑞應疑舍利子含釋迦
菩薩變相幻首臂以此示現意云何其年南海民妻生一子兩首四臂
凡諸怪異足駭怖且復淫樂爲婆娑羊頭二四白雨至
火輪小兒揮天戈胡僧識書竟奇中滅劉者龔原非佗
同時鑄塔妄所保女弟子亦隨僧哥千秋門外頸血濺
佛於此際疑偏頗蕭閒大夫金紫控大梁布衣當醉歌
象之奔矣象力因此塔壽命齊銅駝

答溫伊初訓

昌黎昔起衰士皆從之遊精心迹古轍張籍李翱乃其

讀曰華草堂詩

二集卷一

三

尤維時嶺表士僅數趙與區詎曰人士稀狂榛困炎陬
陸有犀象珍水有貝璣浮百寶銜光怪瓌奇侈九州卽
今豈殊昔生才盛無儔

我友溫生者雄直當韓豪文章如性情所託亦已高在

山爲巨嶂在海爲奔濤先達馮

魚山

與宋

苙

健筆斯其曹

海天兩黃鵠百鳥空喧嘈仙之山浮來戴山者靈鼇溫

生乎爾力期爾乎翔翺

雕鏡洩真宰元氣滋不存是惟大力者旁魄迴昆侖溫

生汝師韓險僻唾軒轅且復笑郊島邊幅囚籠焚霜鐘

雖淒音震盪驚乾坤爲文喻水浮其氣如潮吞千古廣

陵濤尙有枚叔言

濤聲殷地來傾耳在高樹蚊雷寂無音膚汗亦已銅貽
我感秋詩精語出心鑄衆生類蜂蠱天地一敗瓠吁嗟
陰陽薄亦無金石固叛論本柳州與韓弗牴牾温生吾
粵人粵產靡不具此才儲藥籠可以敵桂蠹一笑近詎
諧採者當無誤

家尹虹邀集三元宮卽事賦呈同集諸君

琳宮疊重碧珠海摺輕黛山光仰樓堞塔影俯闌闈眼
塵一以清汗潮倏而退丹房掃落葉靜境成淡對余與香石
先至浩浩兩詩心貯此冰壺內主客形已忘巾絲禮可廢

讀白華堂詩

二集卷一

四

朋來各疎散酒至互敬愛知新起積慙感舊寄微慨尹虹
爲在菴仲子往常以文質余徐孟舒庶常爲在菴薦卷門生所喜今雨佳足令火雲
淬懷哉山水情永與芷蘭佩

六月十三夜學海堂賞月同謝澧浦太史吳雁峯

孝廉石華學博蔡春帆明經

五百年留此月來好將清影共徘徊人間定境空珠海
天上奇書借玉杯笛客自生鸞鶴想詞仙多是蠹魚才
御風遊戲真無跡十萬煙檣約夢回

讀芷灣先生近集敬題二律

神仙超劫此心肝洗向青空白玉盤大地光明身是月

長風鼓盪海生瀾山川抗古收滇蜀氣魄凌今接杜韓

讀到千枝毬放句朱霞天半照雲安先生雲安寺茶花詩尤奇偉

雄談濶論渺黃虞猶記豪吟笑將鬚長揖橫刀誰健者

高歌青眼似公無人問福命疑才子致魯輿言中訊余語地下文

章掃鬼奴為先君銘墓語孤負國門相送意十年潦倒尚江湖

題何惕菴同年其杰詩文集後惕菴精岐黃

百草神農味遍嘗唐箋漢疏盡奇方黎雲閣上香如縷

禮罷經神繡藥王

古意新聲託放歌錢刀百萬奈愁何壺蘆賣藥無人識

市上空傳到橐駝

讀白華草堂詩二集卷一

七夕寄內

露葉風枝策策鳴紅牆一角欠分明星河古語疑無據

兒女今宵信有情天上文章勞手織仙家夫婿羨躬耕

離多會少翻憐我又擬迢迢萬里程

獅子橋寓園二首

一夜雨平池圓荷有蒼氣綠知秋漸深尚覺暑未退朝

曦渲紅霞烘窓餘綺麗庭樹晴逾綠鳴鳥欣所寄竹欄

鷓衝開花逕僮還至高齋坐垂簾少許得清味

紫萍掩池光繁星不到留草蟲爾何言絮若交謫婦感

此秋氣微默就物理剖飛螢思放光咒草當速朽此豈

不知化而故喪所守明月當中天烟態醒如酒老魚師
仙狐清夜出禮斗

夢遊羅浮歌簡粵嶽子

粵嶽山人爲我言羅浮我時脚踏軟紅困京國願言從
之遊自顧無羽翼昨從羅浮山下過雨霧迷漫白一色
葛稚川兮何處黃野人兮不聞七千里兮舊夢四百峯
兮出雲雲蓬蓬兮如縷引我夢兮入左股問仙官兮導
我前銅龍兮後瘡虎巨石頓海飛泉轉雷斗壇淨掃石
樓自開望華首而莫卽倩絳蝶之馱來飛雲頂高去天
咫霎然而升如脫屣星辰離離若榴子仰天大嚼冰鏗
齒待摩厓兮絕頂忽天雞兮叫醒夢醒兮燈熒記新官
兮仙之銘東日紅兮射窗紙披衣急示粵嶽子

讀蓮鬢閣集

紺血紅心偉丈夫金觥綵筆擁羣姝狀頭獨占名花坐
隻臂同將折鼎扶杜宇有魂啼竹魄鴛鴦無頸落蓮鬢
人間漫取遺編讀地下能消劍氣無

讀嶠雅

奇氣如虹薄士夫鬼門關外作亡逋堪胸志節雙琴贊
瞭掌山川五管圖畸客醉摩雲禪鬢故人阮大慙將寇

公鬚一編赤雅風流筆爲問珊瑚架得無

登浴雲樓觀安期生像作

秦皇蜂目毒天下氣折瑯琊賣藥者阜鄉亭畔玉鳥飛
翫弄愚兒已鹿馬祖洲仙藥死祖龍驪山不殉三千童
蓬萊闕化阿房宮一炬火煽金銀鎔金銀炆焚鬥龍虎
東海傾來救焦土鬼母啾啾求復仇一卷兵書遺項羽
七月二十四日安期生日同人集雲泉山館卽事

成長歌一首

白雲一別秦安期二千年來祇自怡其間東坡偶一到
菖蒲已換蒼荀師粵嶽道人古好事依山關館謀於斯
翩然而來巾笠隨約我濟勝行無遲是時白雲照春海

讀白華草堂詩

二集卷一

七

遊人蜂擁仙翁祠飛霞一觀隱淙碧綠沁毛髮寒鬚眉
忽聞笑語入松籟隔院疑有仙人棋入門一笑卽呼酒
不問主客人爲誰

謝澧浦太史先借數客治具於此

髯翁骨瘦清且奇

謝澧浦

黃縑白羽飄霜髭東方詠諧本仙吏要是先帝

之所遺我亦不復憐鶴饑青霞一吸千玻璃傭奴販婦
入圖畫流觴列坐同懽嬉蘭亭右軍豈有此盤谷隱者
宜居之梁鴻賃廡願虛設謝安賭墅來何時春猿秋鶴
漫嘲笑留銘作記多文辭白雲在山自怡悅此意未要
紅塵知道人打鐘日正午仙霞一朵蒲團垂

虛堂納秋光浩若波千頃客來想雲卧坐久雲亦冷旂
幢蓋巨海觀閣連諸嶺鶩潭浮玉杯鶴樹倚金井天風
送笙箏宿鳥抱虛警灑然玉堂仙闕此瑯嬛境攷索羣
書資迴環衆妙領西園繼雅集南國留清景行當繪巾
帽日與淪香茗

九曜石歌二首

良嶺未削山骨蒼劉郎已剏花石綱離宮自喜築壺嶠
坤軸不復開滄涯富民之財貧民力驅民如羊動鞭叱
鞭之叱之使化石劉郎求仙仙已得吁嗟乎劉郎求仙
仙已得西湖仙湖未湮塞滄桑轉眼藥氣消此石虛涵

讀白華草堂詩

二集卷一

八

天水碧

仙湖已塞西湖隘一泓收盡太湖大珠江夜靜虹貫月
二百年來米顛拜藥洲二字南宮鐫藥洲題詩許彥先

藥洲二字爲米元章題字在布政司署後堂
東許彥先詩刻在督學署池西大石之左

東仙掌畔

割一拳九嶷盼斷空聯絲君不見蓮池諸丈久相望桃

源一叟

謂武陵
趙方伯

不相讓何人巧琢高駢盆好與東坡貯

雪浪

南漢故宮

劉王遺址忍重尋一片銀光溝水深赤日未消椰葉瘴
紅雲仍翬荔枝陰空憐太子拖金綬無復仙人嚳水沈

賡有波斯瓔珞女鏡中微笑解蘭襟

雜詠

亭亭浦中荷託生共菱芡特標出水姿不受汙泥染明珠雖盈掌浥露心自斂豈伊根本殊得氣實清儉士生托孤貞通直詎容貶黃金不可求白璧慎毋玷

游魚潛深淵宿鳥隱密樹錫餌不復貪弋釣亦奚慕人生各有適物理可以悟幽蘭豈不芳所忌羣蟻附日久傷其莖花葉漸彫仆勿恃香草根中防蝨與蠹

比干剖丹心萇宏闕碧血念彼萬古名已獲不死訣丹砂駐紅顏黃芽變白髮服食求神仙志士當不屑孤鴻海上來羽毛白於雪將爲闔苑遊日光較晶潔

讀白蓮堂詩

二集卷一

九

炎洲有翠鳥羽毛爭鮮新黃金飾葳蕤耀此羅綺身亭亭素馨花堆鬢亦如銀髮香沁幽夢紗幘伴橫陳明媚各擅勝相較孰見珍愛此瓔珞裝端嚴望若神惜彼冰雪姿房幃空媚人

同家文緣

元章

梁柘坡

炯

家澹泉

文海

李繡綠

清

華仇典堂

效忠

漱珠橋食海鮮飯後至海幢寺

方丈茶話

經旬恣貪饗食品鬪精選索鯖遍五侯嘗肉盡一鸞凌晨約渡海快意駕巨艚烹鮮手太辣據案眉早展蟹無

腸已搜髓有珠不免聶切惟魚蝦擯棄或螺蜆居然逞
豪奢不復愁暴殄一飽思懺悔五淨援內典莊嚴海幢
寺散步足消遣我信佛面慈僧窺客意善齋廚啓香積
淨閣設茶苑有生注食籍未覺福緣淺咩咩放生羊獨
向迴廊轉

赤墀舟中

客意閒無着天容淡不開寒潮隨暑退孤艇載秋來水
濶浮魚媵洲空佇鶴媒榜人夫婦拙野鴨漫相猜

恩平學解喜晤楊蔚林同年

秀拔

喜極知何語連朝鵲噪謹兩年成小別五斗作閒官祿

讀白華草堂詩

二集卷一

十

食猶能淡儒風幸不酸登盤鄉味好橙芥共魚餐

此夜翦燈情難爲薄宦成田園仍落拓婚嫁費經營異
日誰臺省同年自弟兄且看瓶裏菊贏得晚香清

恩平雞啼營謁外曾大父仁珍公外大父文悅公

墓

乙酉秋九月其日惟乙巳清晨戒肩輿隔宿治行李言
出恩平城北去七十里其日大北風沙塵際天起行行
日平西始至牛岡渡因詢雞啼營距此尙一鋪炊煙散
村落舉夫迷道路路轉灰窰邊云是桂坑村望見三五
家男婦已候門下輿始向前一岬未寒溫執手先問年

表弟孰表昆慰問各真摯揖讓亦朴敦嗟我既無母喜
極反淚吞

入門僅一廳一廳僅一榻豚圈雞棲連滷井厨竈雜蒙
師西村沈代主意周匝須臾羅盤殮豐盛逾伏臘共云
祖父來不復歸故鄉頗聞故鄉居村名曰藍坊老屋山
子墟族盛丁復強從祖文悅公初來亦旅食遊學遂僑
寓棲身竟埋骨中間播遷處阿姑亮能述此間有親房
遷居在鶴山村名雞爪籠一日能往還稍留三五日中
表共盤桓殷勤謝表昆來此不暇作詩朝幸蚤起導我
展邱墓

讀白華草堂詩

二集卷一

七

峨峨斜尾山曰葬仁珍公是也曾王父妣邱共幽宮南
轉石子岡隆隆一杯土雞碑缺世代馬鬣識封樹嗟予
外大父窮經老服虔搜徒至恩州托足始一屢寄書命
我舅來此耕薄田其時少王母貧惟傳孺人相將羨鴻
案偕隱來鹿門芙蓉鮮兄弟故鄉無可託詎知盡室遷
門祚轉衰薄我已昔語我心此淚漣洏阿舅歸故鄉血
食安所依多感表弟兄奈掃無矢時墳頭鴉啄肉歸或
哺其兒感此意傍徨欲語悲臨歧殷勤更相謝重來當
有期

過新會訪何秋梧鳳兼晤紅藥殿春留飲江干卽

專

新霜天氣約持螯舊雨人情稱買舫江上涼波楓葉下

座中清致竹林高撩人淺夢餘花氣醉我良方配藥醪

余吐患痔擬戒飲秋
梧少槐角酒餉余 咫尺匡門煙裏尚遲狂客弔秋

濤

卽事有贈

雪殘香醪細細添豪情綺語妙栢兼喜從方鯁談心曲

謂紅華
老人 愛凍團臍上指尖屈開持螯紅芍夢酣惟閉閣黃花

影瘦不開簾霜髭雲鬢都癩絕老少風懷各不嫌

三十六江樓

在江上水

讀白華草堂詩

集卷一

上

三十六江水巽時愁青汀罍罍結蛇霧尚猶深嘯

聚能爲患消浪頗費心樓船下楊僕何暇此登臨

今日明人眼危樓敞畫甍弓刀唐節度絃誦魯諸生舊

爲制府行臺
今建書院 蠻嶺低還拱鯨波靜不傾還 朝藉星使

口矣說昇平閣部白公督學試竣
還京縣令鵬公於此

峽山寺

松門盤石磴陡絕斷虹垂雲客來觀瀑山僧自募詩龍

飯泉眼活猿懺佛心慈恐惹情緣動征帆不敢遲

滇陽道中見其山水奇絢適英德候吏來送閣部

白公於江上因成一首

夢中躡碧塵眼底轟青嶂如入壺公壺日月亦殊狀劄
木爲星槎靈境與之况帝青斧劈皴官綠鞞紋漾當年
米泔滙腰笏立江上世豈有此人高風足以抗夕陽刷
雲嵐遠水涵雪浪何因富春本摹作滇江障

觀音巖倒用滇陽道中韻

何來莊嚴身擁以七寶障秦禪鳥結窠念佛魚吹浪穴
同二酉探力與五丁抗慈航泛以來金繩援而上却從
蠖腹旋俯見鴨頭漾傳聞合掌巖洞天豈足況融入混
沌胎鑿出玲瓏狀得句恐天驚且勿鏟青嶂

過梅嶺小憩雲封寺

讀白華草堂詩

二集卷一

七三

度嶺十里凍雲著地香雪在林石氣攢青煙嵐
沍碧睽茲衆生非曰獨樂行歌勞苦默喻歡喜
梅身幻如來示相衆香國峽氣迴凍青雲容沍濃墨白
毫放香光透出光明色居然古金剛具此精鐵力衆生
苦行脚脛瘦露鶴膝百盤困登頓一晌得休息到此亦
修來默領鼻功德山僧持酒戒羨茗餉行客何時結茆
菴與汝面絕壁

贛州發家書用涪翁贛上寄余洪範韻卽仿其體

萬山半出粵閩道二水自合章貢流故鄉距彼不千里
我行經此逾六秋北來峽風下山虎東去灘石浮鼻牛

家書曉共驛梅發爲報平安趁使舟

螺亭

斷腸人弔露筋祠尚有孤亭贛水湄誰認佛頭是香塚
剡苔來泐大慈碑

發贛上遇風雪戲作

釀雪旣成霰跳雨竟作凍龍公輕唾咳碾碎珠百糞羈
人守篷窗拾作詩料用居然珍珠船下水出章貢昨宵
聽風烏頗疑鷓鴣過宋未及決雌雄已覺任操縱風師自
有職順逆隨錯綜安能如候吏江上管迎送書生喜吟
哦舟子善禱頌一笑兩聽之熱酒且相共

讀白華草堂詩

二集卷一

一四

余未至贛卽得北來峽風下山虎東去灘石浮鼻

牛二語抵贛北風大作雪甚灘不得下以爲詩

識也因作轉語以祝之並用前韻

黃公酌汝一杯酒

十八灘惟黃公灘與
余姓同故呼而祝之

使我輕舟乘順

流相鳥已合指西北退鷓鴣豈復書春秋灘聲過耳沸千

蟹風力轉頭迴十牛小詩豈足供一映待臘要泛秦淮

舟

舟中一首呈小山閣部

嶺北江西共條水學士詞人分坐船譜梅食筍宋詩理

讀雪餐煙唐畫禪七千楊柳記來日

粵東距京
七千里

四十杏

花非少年子明年四十矣金臺有客向南望魏闕江湖星在天

珠磯晚泊

帆落檣鴉去潮迴渚雁還凍霞寒蠡水晴雪定廬山煙
靄湖神夢雲嵐玉女顏僕僮初逆旅歲暮憶鄉關

江行立春卽事

東皇整轡來萬物靜以俟元氣浮空江相距不盈咫尺
姑肅珮環秉笏立水涘須臾動微颺候雁已羣起心知
消息真意爲氣機使我舟遠迎來兩月三千里春風不
我私過嶺見梅葉計此兩句中渡江日有喜軟塵催看
花晴雪送行李北去望前途已入陽春裏

讀白華亭詩

二集卷一

十五

北行舟中雜詠

水宿風餐第幾程二禺峽裏聽猿聲空山琴筑釣天奏
咫尺虞韶答九成九成臺在韶州府治

尙接猿排石骨蠻濛濛寒雨萬重山竹枝歌近梅花驛
腸斷三楓五渡間

縵面觀河認此身蛟龍應許我知津芙蓉潭水深千尺
曾是當時鏡裏人鏡箕潭亦名芙蓉潭以南康縣本唐時芙蓉江也庚辰余覆舟處

文章時命卜窮通琢藻瑚華體屑工但博落霞秋水句

子安殊負馬當風

洞天第八絕人寰星石湖雲淺碧灣百里東嵐千丈雪

小將軍筆畫廬山

千里岷嶓按水經江湖如沼浴寒星却將大小雙蛾綠
孤山來配金焦兩點青

花藥揚州夢等閒皖江載得曉春還

前擬揚州度歲比至皖江已除夕矣

上岸市紅梅綠
萼梅各一盆
碧桃紅杏俱含笑今歲梅花早出山

鎮平 黃 釗 穀生

元日安慶舟中

江天雲樹入新年已見陽和得氣先岸上臘梅安慶路
座中春酒太平船銀沙鳧雁團晴雪玉鏡芙蓉透紫煙
昨夢九華山頂立一枝絲筆綯青蓮

附閣部和作

白 鎔

臘鼓聲殘又隔年春光透露一枝先

舟中有盆大梅二株

平景色笙歌地安穩行程書畫船柏酒椒盤聯氣
誼黃山白嶽辨雲煙遙知兒女團圞夕繡佛燈前

讀白華草堂詩

二集卷二

一

拜綵蓮

京師元正供佛
翦綵爲蓮花燈

過采石磯

功名定何許客思入空濛淺渚釣量水暮江帆織風乘
春雙漿便懷古一樽同且檢離騷讀詩人幸未窮

將抵金陵用涪翁韻

青陽乍司柄已奪北風權南船發沙觜勇若箭扣絃春
江妙養度浩蕩浮空煙定涵千頃波穩載萬斛舡舟隨
心太平分與祝天年

所乘船名太平

微雨亦醞釀暖雲代周旋

波旬客路中旅思爲之捐誰圖江南春畫手從輞川

西楚霸王墓

奇功收一戰表敘得龍門菹醢甘爲用杯羹果負恩楚
歌猶灑泣魯禮枉招魂同是春來草長安問古原

汶上

岱陰寒欲雪汶上莽多風野老方祈麥羈人尙轉蓬店
荒爐餅貴站小市驢空客意蕭條甚關心願歲豐

平原道中

剛輪轉酒腸健馬聳詩骨卅年壯士心頓挫得奇崛適
從曠野來風沙眯天色篷車蹣跚行蠕動若牛蝨站長
如小年店荒比陶穴入門芥壁詩字字憫行役欲羸而
惡崑此理恐難說妖姬馭而笑闖然立我側琵琶訴何
讀白華草堂詩
二集卷二
一一

明晨當早發

瓦橋關口占

殘年南雪點征裘開歲東風掠馬頭關上梅花關下柳
六千里外兩雄州

開府顏公七十生辰時魯輿新擢臬使公就養陝

中寄呈一詩奉祝

功成身退鬢俱斑多少蒼生祝醉顏當日真童辭泰岳
比年老子入函關歸田願遂詩多暇憂國心長夢未閑
却喜風煙長喬木柏臺新換繡衣還

馮烈姑詩

烈姑蒼梧人名秀瓊年十五字同里羅氏子文
燦兩載燦死姑慟哭赴江以殉舟人救之莫得
其屍是可哀已系之以詩

古蒼梧水云云葬何人二湘君解一今蒼梧碧如泓葬何

人馮秀瓊解二秀瓊死十七齡殉何人邑羅生解三白項烏

紅襟燕兩飛飛不相見解四蒼梧水倒影看馮秀瓊羅文

燦解五

泰雲篇

泰雲蓬蓬雨我八極誰其嘘雲緊惟龍德維龍之澤緊

讀白華草堂詩二集卷二 三一

雲之力雲讓而退歸於其宅泰山巖巖為諸侯伯泰山

出雲緊諸侯職白雲託之如諸侯客

同凌蔭塘朝薦陳岱友瀛俊遊滙泉寺望大明湖

湖面豁禪扉湖心養翠微芰荷中戶產薜荔古垣衣樓

堞穿林見簷船隔浦歸宦情猶未熟魚鳥許忘機

趵突泉

齊都本天臍沈水出其腹折仍北而西流或見而伏奔

騰渴馬厓悍勢陡一縮茲泉非山腰穿洞等海日射天

迸潮弩冒地鼓雷軸却從五十里激此百萬斛吾當挾

飛仙尋源向王屋

濟南遣夏雜詩

鳴蟬瀉高樹脆若伯牙琴耳邊沁寒綠流水疑知音
湖三百頃涼氣浮城陰高齋日當午膚汗時見侵頗思
一棹招從之蕩花潯清風灑然來可遇不可尋低徊濠
梁篇魚鳥知我心

閣鈴聲清嚴深居若瑣院低頭事丹鉛束心就經傳妄
欲登岱遊侈念比封禪秦時五大夫頃夢與之見覺來
在空庭離立竝曹掾微風拂蒼髯冷然自稱善一笑達
摩師經年壁常面

青青華不注舊若浮水蓮新涼一雨洗翠落硯席前曠

讀白華堂詩

二集卷二

四

懷謫仙人揮手掃齊煙醒蹈魯連屨醉拍安期肩斯人
已颺舉魯酒空聖賢一杯酌青霞爲我鋪長箋

我授二東詩反覆歎杼柚藩侯古价人疑我代忠告今
春正苦旱緩征兼貸粟全齊百二城尸尸聞尸祝尙望
秋漕登飛輓上艫舳昨從東郊來時雨潤新綠頗聞村
農語賤價收絲穀大人自勞心小人得果腹作詩告東
人庶幾返淳俗

我讀禹貢篇兗州富桑繭青州固瀕海絲枲出岱畎服
貢雖足珍土物見匪罕聞有膚寸縷縷縷出蒼巘驕陽
當中天裹之若蠶卵豈惟被堯封實可救湯旱邦人誇

鹽絺此物懷而卷吾當挾與行用殖九州產

束髮受羣經分國知齊魯今從是邦遊如與古人伍城
餘鮑叔牙泉識逢丑父當年爭霸雄動地震軍鼓鸞書
藉徒溫熟事從人譜上下三千年復此日亭午紙窗語
嘍尹撲撲跳蠅虎

沈沈凝香齋寂靜化堂座中博山爐自蒸南豐香官
居本傳舍况乃燕巢梁虛亭四面開美蔭排松篁卧思

北渚逸坐受南風涼晴空看鶴翎煙影與之長留陰意

自佳大樹其甘棠

曾子固知齊州時所構凝香齋靜化堂俱在藩署今無其址惟西園有亭

顏爲留陰册當
卽凝香齋故址

讀白華草堂詩

二集卷二

五

自我居東軒日聞鵲聲喜久亦姑置之未厭聒人耳昨
宵向瓜陰有蛸磔而起森吾所未見毋乃近青鬼鵲巢
構其巔自賀良有以蚘隣顧相逐鼈化果誰使余方搜
埤雅客母稱陸子

有鳥不知名旦夕呼其侶深林似莊嶽啁晰作齊詔我
欲譯禽言占非小生巨當時爽鳩氏居此樂得所茲其
苗裔耶復此聚族處信能知雨風智足遠刀俎翻憐孱
景公淒涼嫁齊女

朝來見南山梵宇鑿深翠青螺數千佛巖洞蓄幽致濟
南山水佳未及一探試如讀泰西畫遠近同位置城郭

任周遭煙嵐自妍媚懷人各千里久客無一事西風白
雁歸觸我江南思

公玉帶明堂圖歌

通天臺觀連星榆建章宮殿羅蓬壺昆侖之基不可迹
明堂舊址空榛蕪周官王制各采綴諸儒誦說皆牽拘
通靈自援赤帝府習戰正攻乎女符侈心誕念作封禪
徵文考獻疑規模太常旣紕周霸圖中峯萬歲聞山呼
含山豈宅鬼與區竟有秘篋遺樵夫茅茨古制若可信
圍水自與漸臺殊千門萬戶窮土木以此示儉非觀娛
樵夫此解時或無當時天馬徵貢輸流沙萬里開荒途
讀白華堂詩 一集卷一 六
西母雲窗自詭麗地圖不共蟠桃俱東方善諧亦安取
博望導侈應先誅輪臺後悔知何如建元始議猶崇儒
明堂圖在莫輕詬道古尙愈求仙愚

千佛山石刻雜漢歌

明建文時燕王攻濟南與鐵鉞戰忽有羣僧助
戰勇不可當燕王使人迹之皆入千佛山琵琶
洞石壁上石刻羅漢皆流汗被體乃以鐵椎碎
之石刻於唐貞觀間事見山東通志

諸王就國高僧隨高皇此錯將焉追緇衣白帽一朝起
天命要亦歸人爲大師度牒已前定千佛枉自心慈悲

猝然助戰勇莫抵武怒已却千能齷眈眈病虎搯不死
降龍有杖無由施逆天之說世多託偷生百輩皆行屍
毗舍婆劫不能轉須陀洹飯應堪嗤錚錚丈夫鐵所鑄
鐵石相召理亦宜赴湯蹈火外支體飛叉斷杵真鬚眉
已將法身幻土偶何惜頑相逃鐵椎石幢鐵限一時仆
金川門外迎旛旗孝陵石馬縱流汗介甲翁仲何能馳
空門肇旣神所憤金剛努目知爲誰齊諧此說獨非誕
諸天龍象然吾詩

平陵東弔翟文仲

高陵丞相稱儒宗東守固有忠孝風平時禮義足干櫓

讀日幸草堂詩

二集卷二

七

袒臂一召城爲空是時漢火屬微燼紫垣正坐妖星紅
金滕册祝泣孺子玉璽禪授欺蒙童赤眉青犢已側目
安得勝廣開羣雄堂堂郡守來義公義旗十丈橫長虹
事成不成一死耳去馬賣犢皆從容真人白水呼雲龍
漢家火德重熊熊義公碧血埋蒿蓬王侯將相賞不及
空餘數語悲陳豐吁嗟乎熒惑守心丞相終義公父子
何遭逢齊門鬱鬱松柏桐至今遺恨平陵東吁嗟乎當
時已哀平陵東

濟南二首答望子

君問濟南勝南山當戶開岱雲天下覆沈水地中迴桃

實東方傳荷花北渚杯明湖涵一鏡倒影鵲華來
湖綠飲殘虹招提出鏡中菰蒲開趙北謳唱合齊東彈
鍊無高客垂綸有太公憑將煙水話一洗軟塵紅

夢登泰山作

昔觀五岳圖真形怪而解今來居岱陰耳目仍未習時
時轟方寸欲靜不得翁倏然神出舍輕身脇圓笠飛登
日觀峯拜斗作天揖遙聞潮雞鳴陡覺鴻濛濕霞光洞
毛髮海氣聚呼吸秦皇古精魄長劍倚松立當時妄求
仙未解餐松粒山腰一道士手捧青琳笈罡風作虎號
萬象縮而入回頭見金牀身作嬾龍蟄

讀白華堂詩

二集卷二

八

旅懷六首

表海雄風抱岱開鷹揚虎視各徘徊人言魯國多男子
我閱齊城慨霸才金馬門高誰執戟火牛壘廢自登臺
生平心折聊城矢曾躡高蹤一揖來

七二飛泉瀉玉虹秋煙猶擁德王宮湖山曉鏡描詞女
詩酒新亭勒寓公當日澹粧愁對菊中年華鬢感飛蓬
憑誰爲折瑯琊柳柳吟向深閨當洗紅

中澤嗷鴻劇可哀車前蒙袂泣黃埃記從鄭俠圖中見
疑向田橫墓上來會有白蓮心易煽野無青草氣難回
一篇內政申軍令且仗夷吾救世才

早潦頻年報歲荒衝途蜚語覺張皇北來我暫棲行李
東去民猶望發棠敢使無鳩沂水境似聞有虎泰山旁
承流宣化賢藩事深恐 宵衣寐不遑時方伯按部木回

禽伋遺封指故墟閒來採訪傲虞初桑間婦薄狂夫行
稷下人傳贅壻書聞道富強仍不異便教淳朴道何如
劇憐蠶繭空州產羅綺爭華耀女閭

秋夕有感

清商一夕鵲驚林月冷煙稀客感深筆下饑蟪編魯史
燈前寒蚓激齊音無禾敢代窮民告有李能全節士心
自是壯懷消未得不關秋氣鬱蕭森

讀日華直堂詩

二集卷二

九

錦瑟年華似水流帶虹衣鵲欵粧樓譜殘一段紅橋夢
冷月涼蛩共寫秋

吳秋航宰禹城未得一見適寄近作見示兼惠其
所刻晦亭遺集晦亭與在菴康侯皆余丁卯同
年友也感事懷人共成二首奉寄

自我來濟南却復長相思不能共君話且喜得君詩君
詩亦古人元結春陵詞時復似少陵牛毛歎芬絲誦詩
可觀政此語亮匪欺曩時瘦御史上書憫瘡痍君詩既
云爾作吏真有爲桃柳已成村鳧鴨亦滿陂安得起九
原與語同掀眉

九原不可作思之惻傷神君家有癡叔養晦爲詩人以
舌代牛耕牛斃舌不伸晦亭以舌病死空餘一卷詩縱橫傲儀
秦丁卯數同年落落如參辰御史已摧折司農兼病貧
斯人復困死我輩同酸辛西風走落葉戚戚枯蠶呻誰
能爲大力天地迴陽春

觀湘浦相國書虎字

神光斂小智佛力包大雄攫身一震嘯萬谷號天風此
物世罕出出爲問氣鍾何年樞星精質附影與熊神勇
托肘腕運腕如開弓奮迅作騰跳雄莽驚疲瘵伯時懼
變馬葉公畏生龍正當萬羊換豈屑羣鷺籠當年鎮回
疆環帳貌貅重捋鬚卓神筆拜伏羅羌戎履尾不顛咥
批鱗獲優容倚嗟將相才明良慶遭逢觸邪自神羊辟
惡須大蟲持此懸中堂八蜡歌年豐

七月十七日泛舟大明湖卽事

黑雲亂湧千佛山客心急繫明湖問塵風荷葉百萬柄
沉魚走獺驚潺湲鵲華橋畔乍招手一艇刺入菰蘆灣
湖邊古寺暫延佇城陰高閣纔躋攀居民置產種蓮茨
澤國檀利歸蒲管平鋪地衣翦綠錦不令明鏡開湖顏
生平野鷗心浩蕩對此坐惜煙波怪沉雷漸近雨脚疾
亟趁水鴨沿波還天公好奇客好事回頭一笑斜陽殷

客意

客意疎於樹秋容澹在山始波湖月冷不雨嶽雲閒飲
酒德方進求名心漸頑黑頭公笑我早見鬢毛斑

八月十八夜坐月

自中秋至是
夕始見月

桐葉警虛坐桂花參定禪秋光團鵲露夜氣入蛩煙償
我在今夕依人同昔年不知金粟佛可羨玉真仙

得子履書却寄

廣文先生老不疎隔月報我淮南書膠長字細語鄭重
高松瘠竹森眉鬚七年不見知何如

今春過淮
奉訪不值

書中愁

讀白華草堂詩

二集卷二

十一

斷紅鯉魚饑寒不庇愁妻孥昂然長劍佩鹿盧西羌犬
羊正多事萬里秦隴勞轉輸征西大將印如斗廟堂
籌筆多訐謨腐儒閒愁亦何事坐惜白日堂堂徂君來
語我茅屋倒連旬秋雨淮城隅吾儕棲止一枝耳杞憂
自與常人殊霜清木落寒菘蒲防河大帥兼備湖祝君
報我健眠食慎勿更繪監門圖

明湖秋望

湖上秋來水半鴛葦風蘆雪白蕭騷疎荷散似書聲蠟
瘦柳清於畫品高漁艇有人收郭索鐘樓無客息蒲牢
當時慙下亭閒酒幾輩能狂說釣鼈

寄驥雲弟

閩粵音書阻燕齊道路歧風塵俱老大兄弟各支持夢
裏兵戈過時臺警已定愁邊歲月馳兩家同失望一第並難
期

先人勇貌虎徒手縛孫恩忠義團番社詩書習將門瘴
煙傷馬革寒雨望鴿原好奮垂天翼扶搖薄海暎

驅我來東土應憐旅食情春萸譚子國秋草鮑牙城北
闕多冠蓋西羌正甲兵不應三尺劍老此壯書生

別去初無奈愁來更若何邊烽狼糞塞海雨雁聲多投
筆憐鉛槧援琴歎斧柯與君同識字憂患日相磨

讀白華草堂詩

二集卷二

十一

秋夜卽事

波濤在秋空傾耳浩如海衆星似防河宵守積磊塊中
庭一鵲巢居安不知殆端如定風珠巨浪任狂駭因茲
悟生理定力固有在我年已四十坐覺霜鬢改當知金
石堅不與果木癭哀蛩豈蒼生階下環而待感此或淒
然呻吟望眞宰

九日憶筓調吳門

眼底風煙黯旅愁經年書札尙沈浮樽前白墮難成醉
歷下黃花自送秋客路豺狼多阻梗南贛近多盜賊爲商旅患故鄉

雞犬幾存留

時聞家鄉水災

知君亦墮登高淚一樣江湖悔浪

遊

秋興

蒼雀弄牆蒿香巢落燕毛蟲邊紅葉瘦雁外碧天高
客通齊語懷人誦楚騷菊花應笑我但解醉醇醪

絕塞

絕塞燉煌道 皇威盡版圖諸蕃羣受約逆裔獨搜誅
奔突紛羊犬攻圍困虎貙何時竿木上萬里走頭顱
插羽傳邊報偏師悞折衝淖泥阮馬革晦雨滅狼烽肅
殺逢金虎提攜死玉龍國殤先議卹 震怒發神鋒

使相登壇日風雲擁纛旂中原方耀德上將自揚威

讀白華草堂詩

二集卷二

十三

明詔仍寬大奇謀任指揮平羌趙充國決勝秉 神機

見說楊無敵端如郭令公先聲能不戰上賞屢酬功指
日收回紇還 朝繫末蒙勳名茅土重迅捷奏平戎

見落葉作

時西戎未靖

掩甲掃殘羌西風頓戰場天容開颯爽人意逐飛揚老
屋疎燈耿寒城暮角長榆關連柳塞空濶夢邊牆

十月二十四日得家書作

丙戌秋九月我客齊州城京師消息來異事駭人聽故
鄉遭水災洪濤冒千層浩浩勢滔天水怪爭欺凌浮屍
下湘橋蔽江斷呂晉茫茫三川墟廛舍無一盈巍然存

一宁武廟真神靈心疑甚其詞傳訛不足憑又恐非無
因魂夢時時驚忽忽五十日坐卧終怛怛猝傳家書入
檢視不及燈糊模認紅箋燭至看分明乍讀心覺安再
讀涕交零田廬既蕩盡全者惟人丁當其發水時猛雨
如懸絙雨中一股煙萬山爲之崩救生汎浩劫雞犬從
飛昇神祠僅半椽棲託同豕櫓凍餓兩日夜猶幸全餘
生時維六月朔天地何無情友朋強慰藉排遣夫豈能
嗷嗷廿餘口何時復居倚荒田化澤國束手河春耕嗚
呼此洪災豈獨余所經作詩但告哀廣厦慚少陵

寄張芸巢鹽院

讀白華草堂詩

二集卷二

七

江淮財賦邦鹽漕有專責

國初命臺臣巡按實兼職

後乃稱鹽院內府自承

救傳聞富盈時庫與瓊林匹

公私有支領動輒千萬億邇來暫虧空 國課不能實

至尊罷玉真慈儉極體恤疲循非一朝主者已數易

任難得其人 宵旰幾籌畫有臣如張詠此材豈多得

旋由廉訪司擢以臺卿秩

由閩臬晉
二品卿銜

糾察自匪難調劑

期有益非惟緒

國儲要令寬商力兩淮十萬竈庶幾

有起色任重

詔勿辭才大需孔亟當年司轉運寬大

寓整飭重來總宏綱商民手加額西陲方用師待以佐

軍食艱難見勲勞合猷許經

國

魯輿開藩陝中奉寄

藩侯古方岳旬宣乃其職九服作屏翰百僚仰表率成
周始分陝周召稱二伯豐鎬溯前規岐隴著遺蹟熙
朝數舊臣君家茲其一黑頭擁節麾三世並登陟朝
廷重封圻簡畀任惟克方君官翰林召對眷已默
邊陲資扞蔽文武仗才識監司秩治戎三載勤整飭農
田及水利次第見畫擘勸學善後圖備荒破前格生平
愛宋臣韓琦及富弼志大才不疎功在事有益北門嚴
筦鑰西域謹堠斥邊烽忽而傳萬里馳羽檄犬羊竟披
猖士馬勞傳驛軍興事旁午芻餉逾常額至尊塵宵

讀白華草堂詩

二集卷一

十五

旰用人此其亟藩臣司國計浮冒當釐析以君著廉
能承謨共宣力繫昔高廟初金川掃凶逆君家大
中丞轉粟辦軍食王師奏凱還第功鼎彝勒繼惟開
府公滇池平猱黑單騎入苗寨開誠諭威德遂使數千
人全活免鋒鏑願君篤成烈承家在經國兵農與禮
樂經濟皆學術上以答主知下以和民懌豈徒佻人
歌當念姬公績

食臘八粥

清齋到官厨塵客啜佛粥當時設道場此日遍風俗妙
法却濟蓬素風糝芋菽胡桃及葦筍飴餛入秬玉修成

七寶供種來百合福隨例稱吉祥動念轉愁蹙偏災在
粉榆饑寒慘啼哭糝糠淅牙頭藜莧折鐺足呼雞見隔
籬瞻烏寄誰屋九州荷 皇仁屢賑太倉粟五城增粥
廠來往踵相屬中原與嶺嶠覆載共仁育胡爲益稷臣
艱食不陳告 齋宮祈太平先爲豐年祝一飽何足云
調和望玉燭

曉起對雪

一麥已堪望歡然人意偕回饑蝗下尺忍凍鵲銜柴昨
夢返鄉國梅花開半厓平安春信早熱酒許傾懷

讀白華草堂詩二集卷三 丁亥

鎮平 黃 釗 穀 生

禹城留別秋航

相別垂七年相聚僅六日開樽正及辰談藝每至戌沉
沉漏已深情話豈能畢君又民事勤戴星入而出七年
亦易過六日更難得此別會何時離思耿胸臆

讀君岱雲編悔我知君淺攢眉入詩社君意不謂善曩
疑君介介懷抱少開展別來知政成循聲溢青兗豈知
詩愈豪老手出高眼悠悠安足論此意吾當勉

農田及水利因地以制宜惟此行保甲竟可隨地施我
讀白華草堂詩 二集卷三

雖未當局講求願無遺君言大有理弊小利無涯太白
慕嵇阮冲舉不可期少陵比稷高奏效當有時

送朱平台進士 汝衡 作令清平

今日宰官具猶存長者心知君渾巧拙作宦任升沉先
德看留硯循聲聽譜琴願將韋佩意持與故人箴

宿岱麓用少陵望岱韻

明星爛銀光岱色辨未了沉沉南天門闔闢自昏曉海
潮呼候雞嶽鐘盪宿鳥平明馬首東已縮日輪小

羊流店曉發

鈴柝五更頭春寒力更道殘星驅馬去遠火別羊流皮

榼燒腸酒茸裝蔽體裘琅琊官道柳未魚渚南愁

途中作時同近堂漕帥自山左赴淮

海色微茫岱色舒齊煙纔散楚霞鋪春來汶水湯方言

水而渡車馬路轉蒙山入畫圖節帥弓刀千騎簇書生

琴劍一囊孤桃花未漲黃流小不信魚龍萬變殊

淮上晤子履話舊敘別率成一律

七年人事感浮漚握手悲懽各敘愁短榻圖書仍學舍

長淮風雨又歸舟名山君有藏身地老屋吾無着脚樓

他日一樽能踐約探詩來作嶺南遊

題盛小雲茂才微璵嘯雨山房遺集小雲爲子履長子以嘔血

讀白華堂詩二集卷二

卒

二

何許少年筆血絲搓硯紅冷魂嘯春雨長爪搗秋風哀

誅歸賢執遺文累乃翁青山埋玉地應有氣如虹

梅花嶺弔史閣部

飛礮如山壓怒潮衣冠難共楚魂招梅花冬雪堆三尺

燕子春鐙了一朝末運江淮俱失險荒邦將卒各宜驕

獨憐瘁掌軍書夜淚盡僧廊憶解貂

渡揚子江

輕帆東向海門收煙樹樓臺豁眸淺夢鶯花迷白下

多情鼓角似黃州時以糧艘阻滯沿江東下常鎮觀干察劉竹湘先生遣人送至丹徒開干

人書札慚賢達作客光陰付傳郵料想江神應竊笑無
田歸去若爲謀

泛舟橫塘遊靈巖天平支硎諸山歸過楓橋作

客心同鴟夷欲覽太湖勝穹窿不可登且躡靈巖徑扁
舟下橫塘洗眼天光淨浮圖如美人青山笑倩因思
亭蘿女俯影落明鏡秋鬢未忍描步履疑可聽悠然已
神往攀蘿陟危磴

攀蘿豈不艱坐避鼻丁惡未須具笱屐聊用試腰脚吳
宮沒荒蕪范墳露磊砢我我天平山鬼斧借開鑿當時
賢丁孫斯世共憂樂祠門敞月臺墓道闕煙壑僧茗憩

讀白華草堂詩

二集卷二

三

春風玉蘭花半落

僧話亦片時竹院斜陽下山桃破紅萼遠近映亭榭蒼
然暮靄濃高阜出精舍支公夙棲遁迢迢自覲化白雲
隔上方欲宿不可借殷勤有權娘回船進魚炙鰕菜葑
湖春燈火楓橋夜

虞山官舍同張厚齋明府

敦道

夜話

好雨尙湖春扁舟訪故人鶯花酬客賤鮭菜足官貧
齒簡年華老牛刀治譜新宵深聽簷溜翦燭話緇塵

虎邱題壁

玉蘭花謝寓樓開五十二參磴易攀喚取沙門茶博士

一 甌香薜看虞山

孫武子祠題壁

兵法無端試美人馬前一笑血凝塵
再來但把雙蛾蹙知否西施是後身

過鴛湖

已未春遊此距
今三十年矣

曉夢迷離入秀州縷煙絲雨翳湖樓重尋
三十年前路汀草紅心烏白頭

舟過臨平

夙聞武林津關吏暴如虎侵晨抵臨平
紅欄枕江許去去書半船津亭不我阻
朝曦散綠煙青山放鳴艫

讀白華草堂詩

二集卷二

四

徐星溪都督邀遊西湖泛舟至放生池卽事

騶卒負隱囊老兵挈茶具奚僮背琴書
來喚西泠渡招招一舸搖已入湖心去
垂柳暗長隄啼鶯不知處稍前見黃妃
塢頂出煙霧六橋斷而連雙峯隱復露
三潭規堦臺水面延白鷺放生聚螺蛤
累筭適相遇不忍萬命坑因許衆生度
乃知大雄力能仁固其素境以觀生通
理豈參禪悟一聲南屏鐘湖色近昏暮
歸來汲春波洗硯出新句

都督有春
波洗硯圖

西湖雜詩

澹雲微雨鷓鴣天湖上春寒欲禁煙
屏却花驄共油壁

扇茶來泛總宜船

巢居小像卧湖雲
雛鶴籠來尙不羣
添得梅妻新伴侶
玉簪藏過菊香墳

修竹祠堂傍水仙
不教居士更參禪
石泉槐火依然冷
詩夢圓來八百年

蠶豆花開野茶香
邵皇親墓出頽牆
魚羹宋嫂風流歇
酒舍空傳段七孃

怪石蒼苔盼翠華
梅巖遺址半欹斜
絕憐當日光堯詠
祇見南枝放早花

杜鵑嘯血過清明
岳墓人來當踏青
若有心肝雙鐵像
讀白華草堂詩

一集卷三

五

也應垂淚牧牛亭

泛宅浮家狸鷺鷗
金堂玉室訪林邱
風流不見張天雨
曠有詩題黃篋樓

夾道垂楊陌上栽
軍官隨意試龍媒
健兒窄袖城根過
却道纔從馬海來

濕青寒翠落衫濃
香客來經九里松
出到行春橋畔望
半湖煙雨暗中峯

江鄉寒雨綠春蕪
碧嶂紅棉入畫圖
收取叢殘金粉筆
且將濃墨蘸西湖

漢壽亭侯玉印歌

印藏西湖侯祠中上
高宗御製詩

黃綾包裹朱盤捧 御書侯印神爲竦拂拭初看鸞鳳

鸞襲藏久並球刀重英英八字鐫篆文司馬齋賜前將

軍蜀志建安己亥川人獻玉一顆中有并環漢中王命上下鐫曰漢壽亭侯關羽之印遣益州司馬費詩齋

至荆州賜前將軍爲佩章假節鉞督九郡當時假鉞督九郡想見虎視空襄

樊如虹浩氣巨神物洞庭鄱陽先後出印後爲吳將徐盛得之黃龍已

酉盛過鄱陽湖舟覆失之迄明萬歷丁巳鄱陽湖晝夜

放光漁人獲得是寶有司進於朝越二歲丁巳神宗命

翰林董其昌齋至西湖侯祠中洞庭事見雲谷雜記片玉仍齋明聖湖水伯波臣

助齋祇我摹此印三難息漢家玉璽虛傳國洛陽宮井

龍蟠泥望氣孫郎收五色永安宮中誰侍側張嘉所獻

亦旋失蜀志先生傳襄陽男子張嘉獻玉璽何如此印不污賊千載漁人

讀白華草堂詩二集卷三十一 六

還網得摩挲重寶感英靈鐫翠長留 聖墨馨鄂王私

印誰藏得不共祠官配鼎銘岳鄂王有玉印大徑寸白文刻岳飛私印四字太湖漁人網得之後爲吳郡孫氏所有佩之可已瘧見淮海英靈集江昱詩

過嚴子陵祠

一代開風節巋然不可臣掉頭向煙水伸脚動星辰高

祖亦英主叔孫慚聖人先生與光武祠記並千春

蘭溪謠

古蘭溪產香草締同年妹與嫂苦思之令人老解一香草

根蘭與蕙久服之令人媚不可常黑頭蟻解二黑頭蟻喜傷蘭蘭心悴蘭葉乾苦思之增永歎解三

雨中過龍游

回首蘭溪隔遠汀
渚蘋皋杜尚芳馨
春寒詩夢能生綠
江冷琴心欲汎青
百里煙光迷岸塔
一帆風色過津亭
晚來暮雨瀟瀟曲
半似吳船帶醉聽

常山道中

花笑鳥嘯邊籃輿
互折旋溪黃淘夜
雨隴綠染春煙飯
站擔夫頓茶壚
少婦煎歸程看日
記已過路三千

夜抵廣信泊舟驛亭下追感在菴

閃閃驛亭燈
統統城樓鼓
風急浪乍鳴
雲零月初吐
迷離若夢魂
非夢情逾苦
君魂果歸未
未歸在何所
此間

讀白華章堂詩

二集卷二

七

地下人張

祐謝君仲直

可以語君如辛幼安慷慨定相許故

山楓林青詩骨未入土蓬壘艱一邱黎棗望千古迢迢

此長夜勞勞尙行旅入夢忽復醒篷背灑寒雨

進灘

堆柴店口歇樵童晒網船頭坐釣翁
雷斧鑿殘天子地

地斗桅占到秀才風

頓江舟子以風之崎嶇灘路盤盤和柔者爲秀才風

進習慣鄉音暫暫通見說南來江米賤川塗無警仗年

豐

南安峽

西江流一綫南粵鎖千門似甕吞舟入如繩勒馬奔箒

深山鬼悄洞古石猴尊徹夜灘聲急羈人欲斷魂

佛山口占

趁潮沙艇逐西東
塵市帆檣夾港中
看煞臂蓑蜚家女
一天梅雨賣禾蟲

曉起望羅浮作歌

中原羣山自相倚
青螺湧現誇佛頭
蓬萊主者特狡獪
擲一左股遺炎陬
此股橫落三山外
高天厚地不敢囚
奇峯四百雄且道
元關奧府蟠深幽
乘雲鸞鳳渺人世
躡屩龍虎同天游
心精尙許契黃葛
體魄未合區羅浮
當時忍痛勇一割
豈真視此同懸疣
洪厓聳肩拍已下

讀白華草堂詩

二集卷三

八

方平袒背鞭堪愁
白虞伸脚隘八極
不以局促卑神州
扶桑日出飛火毬
雲中照見雙石樓
此時何人獨抱膝
龍潭曉坐看奔流
石蒲土芝足採拾
紺雀丹蝠相綢繆
酥醪畧嗽百骸暢
囊頭蟻亦憐
蜉蝣前身毛髓幾
伐洗念此已覺繡熈
憂行當酣醉枕股
睡騎蝶一夢三千秋

朝雲墓

絳萼幻飛螢
湖邊見小星
蓮身禪偈化
桃骨瘴煙馨
南海潮空百西
山碣自青新
宮衆仙筆誰
勒子霞銘

牽羊醜譎韓文公祠

七羊路多歧
歧嶺恐歧悞
適來牽羊
啞將毋防歧路關

雲寒不落日午翳朝霧俯壑迴杉風盤磴滑苔露古雪
不能到陰氣獨凝沍森森韓子祠橡柏長拱護頭陀爾
何勞肅客供茶具公方排異端我敢悅禪趣

高陽池落成修禊詩爲襄陽太守周芸皋師作

高陽池成適修禊兒童拍手太守醉太守醉太守不醉

山公疎放太白狂前賢曠達非吾事太守不醉太守醉

君家子孫能讀書漢上農人誇水利蔣君桃襄陽令張蔣祖暄

君柳襄陽司馬張維屏廚有魚樽有酒白髮蕭蕭扶壽母太守

承顏酌大斗少陵萬間厦太守十畝池萬間厦亦虛願

耳十畝池乃實利之太守慕羊杜太守追白蘇高陽池

讀白華草堂詩

二集卷三

九

館入畫圖風景髣髴同西湖西湖水利知何如沿隄桃

柳千百株白公蘇公世恐無太守真白蘇太守亦羊杜

峴首之思共今古七十餘人孰龍虎同日襖集七十餘人醇醪飲

人豈甌人想見當筵衆賓舞

五月廿三日家霽青太守安瀾招集郡齋小木天

館出消寒雅集圖見示爲賦二絕

綠榕丹荔蔭鳴蟬消夏閒來小木天談到歲寒梅鶴證

檀爐高曾有羣仙

莊襟老帶寫從容槩敦風流悵未同若侍十三人末座

圖中凡首將家法質涪翁

題家退菴先生馴鹿莊圖

眠牛表舊阡馴鹿構新築幼年扇枕心晚歲林泉福披
圖緬素風讀史踵華躅松楸抱冬心莪蒿鬱春日北邙
卽南陔書舍亦農屋白雲卧可望青山行已卜致能遊
許常修期願當足公誠慰烏私我乃愴鵲哭祠龕無復
存墓田未忍鬻無家別易傷有歌聲難續時余家被水
廬舍蕩然

題家子未

若濟

百藥山房圖

用藥漫嘲韓退之首登赤箭收青芝識藥漫誇寇宗奭
悞訂澤蘭疏卷柏人生何者爲通儒草木箋注徒區區
養生未得嵇康訣起死敢廢神農書吾宗騷雅富述作
讀白華草堂詩二集卷三

一亭曾遣茅龍縛益壽常扶子母藤延年妙合君臣藥
菟陸菊徑晨露涼行園自愛和風香有時得句歸藥囊
椒蘭辛桂同芬芳九原三閭尚可作一脈遙授千金方
吁嗟乎爾雅不熟幾悞死世上應無勸學子好從藝事
證通人莫認醫門作方技

吳石華桐花館填詞圖

銀雲欲墮珠露團綠窗微雨生朝寒紅牙碧柱卧滑簾
筆牀墨几森明珥書巢小隱知誰氏舊是嫺環掌籤史
會教楊柳唱屯田且向蓮花呼博士花天酒地未無情
詞筆爭憐太瘦生邊笳警夢惺忪覺江雨懷人觸撥成

春陰庭院雖閒寂寫來不似秋蕭瑟何人爲起白石翁
籬落呼燈尋蟋蟀

贈別陳登之

延恩

并訂重九爲湖山之遊卽題其

韓江歸舸圖

夫君俊逸真無徒烏衣子弟今官奴清談豈但捉麈尾
更傳家法人追慕銀鈎玉版不甚惜得者珍重同璠璣
北遊燕薊東入粵詩囊壓擔勞肩夫相逢郡齋劇快意
當筵意氣酣歌呼以其餘技出射覆尖穎有逾金僕姑
劇談三日不盡致執手一別空嗟吁嶺南氣候與北殊
方秋九月鴻雁徂青條蒼葉腴不共四山老僧頗解事
讀白華草堂詩

二集卷三

十一

明日重九攜行廚持螯對菊亦佳耳囊琴匣劍胡爲乎
江邊桃葉漫迎接歸舟爲我停菰葦

九日集湖山卽席分得世字

莊生逍遙遊落想出人世尻輪御空行天風挹衣袂登
高誰見呼飛騰已夙契湖山况信美羣鄉久開霽下見
堞齒環上有石骨瘦人煙萬井低勇言樓臺勢丹楓開
吟社紫竹庵合僧喬仙佛夫何名遠塔示超詣

同人集湖山適霽青太守來登高茶話片時卽事

瘴霧吹開見海垠官身暫憩作吟身題名碑碣憐陳迹
得姓江山吟替人如此登臨應不偶已教心眼淨無塵

老僧脫帽聊相諱插鬢黃花欠夙因

金山憤

弔馬發也

潮州志馬發海陽人景炎二年春元兵破汀州發時知潮州與循州劉興梅州錢榮之皆降後發獨逸去五月張世傑復潮州安撫使方興來撫諭發以摧鋒寨正將攝州事稱安撫使元兵至潮陽遣使招降發嬰城固守乘間與戰却之三年潮陽劇盜陳懿導唆都及蒙古歹圍城發帥兵守南門巡檢黃虎子與陳懿通潛爲內應元兵鼓譟突入城陷發保子城力竭先令妻子自經乃服鴆而死時三月朔日也潮人立祠祀之

讀白華草堂詩

二集卷三

十一

唆都來南門開城廂鼓譟聲如雷外城已陷子城壞大旗尙卓摧鋒寨前時詐作降將軍今日常山舌固在金山北瞰南濠水親見將軍闔門死循梅守土人奴耳狗彘乃有黃虎子死爲鬼雄定抽戈殺虎寢皮縫虎鞞

錢澳悲

弔張達也

潮州志張達饒平人景炎元年十一月端宗舟

居泉州蒲壽庚叛遷入海駐蹕紅螺山達官都

統與郡馬陳植都部頭馬驥輪萊軍祥興二

年帝昴遷舟甲子門達帥義男扈從殉難崖山
妻陳璧娘送至錢澳洲畔有詩辭甚悲後人名
其地曰辭郎洲久之訛爲侍郎洲意謂陸丞相
也

崖門鬼哭驚濤撞浮屍擁出張都統沙草萋萋錢澳洲
崩岸猶餘杞妻慟短刀斫陣箭摩壘一夜元兵數驚起
庚申閏絕甲子遷十萬舟師同刻死紅螺山下弔滄桑
精衛當年恨未償忠魂定逐馬安撫孤嶼休疑陸侍郎
菊花四首

鄭重開樽寄短吟此才端合鑄黃金靈苗大有扶人力
讀白華草堂詩

二集卷二

三

寶相常懸證佛心壽世精神推健藥絢秋風骨傲華簪
年來車馬荒三徑却讓芙蓉鬧薄陰

訪道叅禪別院幽藜牀鎮日對清修瓣香句向離騷討
鷓鴣文從埤雅求籬畔啼螿淒宋玉階前寒蝶瘦莊周
漫思花裏評耆舊也費摩挲九千秋

服食何因得駐顏九丹真待九秋還看來冷眼心原澹
插到盈頭鬢已斑金琰銀槃安富貴藥鑪茗椀樂清閒
龕疎斌媚從人說算是神仙尙解頑

何年染就晚香齋將隱還期與汝偕小有園林娛老福
尙須屏枕寄騷懷蟹臍圖譜雙螯賞鴨脚丹青一掌排

如此秋光應不負勝他冷淡買僧鞋

楊桂山觀察

振麟

招至西園觀拔荷小酌卽事賦

呈

荷池半乾荷葉殘水亭蕭瑟飛白鷗園丁一艇小於勺
如鳧出沒荒蘆間莖枯葉爛豈足用亦復不遺餘力刪
要從護藕培氣脈定與拔薤同除刊柏臺命酒有深契
只言此日便漁竿鱸魚甘美蠓螯足海國稻熟征輸寬
樽前一醉倚池面已見素月流銀丸

來鶴堂

荔亭北有堂桂山觀察顏之曰來鶴先是海鶴

讀白華草堂詩

二集卷二

西

多棲於郡齋今年始來巢於此詩以賦之

往年海鶴栖郡齋近年海鶴來節署柏臺自喜退食閒
槐堂每憶樂遊處戲鴻妙翰若霏煙來鶴新名同警露
詎將鐘鼓溷鷄鶩要使簪裾集鷓鴣我如旅燕尙無家
半載軒窗容一住南亭荔熟擘紅雲西沼荷開捲綠霧
似聞花亦今年盛細思致此非無故已看雁戶免流離
會與鳩窠勤保護山人爲賦招鶴篇記取棠陰是巢樹

清遠室

西園池南有軒三楹桂山觀察顏之曰清遠雖

取瀛溪語意猶未盡也因系五言一章

嶺東轄三郡廣袤千餘里薰風自南來鑑此一泓水心
清慮逾遠所寄豈尺咫草長薙畚丁魚困育溪子愛蓮
亟擔泥護藕勿淘滓鳧戲微波興蟻鬪驟雨止澄觀在
虛室靜對日有喜琴樽散堂均朱墨綴窗几吏詢公焉
在答言冰壺裏

湘橋釣師圖爲子未題

沿江花鬧蝴蝶篷過江人影騎長虹跳波一撒雪花濺
鯉魚尾勝猩脣紅彩霞明滅朱欄露酒樓舊是題詩處
釣竿已落海東頭紅棉十丈珊瑚樹奇懷四塞綺思孤
樓笠蕉衫來畫圖水村漁侶入相憶間却鴛鴦一面湖

讀白堊草堂詩

二集卷三

二五

兩夜不寐

豆雨三升撒瓦齊銀釭依壁動淒迷跳梁見慣縱橫鼠
伏枕聽殘臚膊雞合眼恐侵愁境界冥心苦索夢端倪
小園何日方成墾已想青青濕菜畦

翁邃菴學使藥洲訪石圖歌寄題

花藥氣散餘清池榕髯覆屋垂葳蕤宛苔欲搗瘦石字
捫壁且讀迴廊碑白小山閣部督學時余嘗居使院三閣月得遍讀諸石刻蘇齋學
士昔好奇九曜搜剔幾無遺米詩顯晦竟有數如龍起
蟄應須時虞山宗匠相距六十載大開鐵網來罨珊瑚
枝沈薤寶曜一朝出絕倒袍笏標風儀獲之不異得奇

士幾欲下拜忘謙馮圖成卷石識佳話楚弓虞劍疑留
貽蘇齋八載按嶺表勤於童子稱聲詩金石似遜李南
澗亦復金薤琳琅披九石缺一屢致詞老榕脚下重嗟
咨水銀聚散理可喻後人摩濯當毋辭爾來文昌星度
入東粵天官家言徵信應非欺卽看抉幽發闕拂拭有
宗匠自見燭天牛斗之氣輝南離况聞景賢邁先躅池
上已建濂溪祠蘇齋久勒愛蓮說以此相待如前知看
雷奮發春雨滋戢戢頭角爭參差何當載酒坐亭畔一
訪石丈瞻宗師

儀墨農上舍

克中

以其尊甫研田翁三十首詩冊

讀白華草堂評

二集卷三

一六

屬賦奉題

十年爲士十年爲農十年爲賈十年爲官餘生讀書死
而後已

二十四字翁
印章所篆

人生不過百年耳爾時六十四歲

矣君不見銅仙淚作英雄泚研田老人遺此紙一管筆
痛先妣四畝田媿族里萬餘金昔有是半通綬今若此
挽兩石弓何如識一个字

个字木質萃唐書
音訓李宏靖傳

吁嗟老人

遺此紙此豈願爲胡伯始眼中萬卷欺項籍袖裏一椎
輕晉鄙三十首詩乃自紀傳之後人手澤視粵人親愛

晉人喜

翁山右人
官於粵

研田老人尙不死君不見研田老人

今有子

南宋樂府

狀元雨

擎雲龍爪蟠空起驚人語出汪兵子馬蹄踏破草青青
唱第歸來尉應喜狀元禱旱雨輒應四野歡呼相公聖
相公曰吁是不然狀元雨也予豈稱君不見韓魏公科
名鼎貴兼功勳彤廷甫唱第二人太史奏見五色雲

相公睡

紫陽理學同不同曲筆乃傳張魏公始知不動心有道
視十萬衆如沙蟲甲帳無人鼾聲作此時晏然稱心學
生平自慣作睡語不似希夷真睡着吁嗟乎兩朝資械
讀白華草堂詩
二葉卷二
一朝棄相公不睡復何事直將心法授開禧淮漢倉皇
督師醉

岳字旗

烏珠太子勒馬轉前面將軍大小眼排山五百背危軍
岳字旗開陣雲卷金牌召歸鐵甲棄三尺墳碑鐫賈字
江邊自有張樞密湖上閒來韓統制幕烏啞啞悲復悲
同時尚有曲端旗空營日落陰風吹

老秦筆

一紙彈文內抄出外人知是老秦筆老秦此筆不畫日
壓日無光黑如漆翦頭仙人見人哭咸陽坑人日不足

中書君乃禿而毒白骨枯碧血埋殺人字跡不必指臺
端自有肉簡牌

南園記

歸耕亭歸不得退休亭退不得相公頭顱走敵國南園
記亦遭彈劾吁嗟文人不幸文名累當日制詞尙深喟
君不見相州祠堂亦有記魏公碑陰定流淚

生祭文

西山伯夷久不死生祭文乃傳萬紙豈知造物有安排
不遣黃冠備承旨千二哥百五妹靚妝瑤英少周旋當
日應疑難割愛生祭文恕無狀一死難期留夢炎兩朝

讀白華亭詩

二集卷三

六

爭重文丞相

冬青樹

萬年枝上太平雀飛向幽州生處樂蘭亭山下少人行
一樹青青弔冥漠玉棺已換鐵函六幾輩遺民同野哭
寶城殘缺似金甌三尺墳臺表幽築乾巢老鴉作人語
唐生唐生何自苦君不見太常裏衣丞相怒九哥不痛
長陵上

水雲琴

白雁過江南破一曲平沙恨無奈明日三宮馬上馱萬
卷書授國公七條絃教昭容木波西去金波死老向燕

山哭弟子嗚呼此本可以碎君不問朱子為何天喙
裂石曾摧竹如意

題桃源問津圖

時谷屬已將賦湖

無田作計學浮家如此詩源料不差正信漁妻子漁子
載將家具過桃花名墟

退燕居歲暮聯句

嚴飈振寒空

壽生

斜照翳庭樹簿領差蕭閒

壽青

朋舊得親

附促席蟬聯談

壽否

撫景蛇尾赴煮茶呼山童子掃葉閒

石路曲室新汜除

壽

文窗畧迴互短檐背南榮壽小海

蓄東注丁丁鐘自鳴

香

裊裊篆微炷鑿空楹書藏未薰

讀白華草堂詩

二集卷二

十九

修龕佛塑寒花靜娟娟

壽

煖研陽煦煦罇壘間瓶盆

鉛黃雜油素琴理通枯禪

香

畫手屏寒具卷軸牛腰勝

未

屏障蠅點悞軟褥鋪方枰

壽

隱囊抵橫榻卧遊良復

佳

坐忘亦成趣燕燕此息居

香

鹿鹿我追步障籠忙

抽身未

扶牀欣起痾漸思親杯杓

壽

恍喜撤章句

時香

解欸門楚然來

壽

設局留小住最難佳日閒香豈易殘

年暗詩腸擣冰壑

未

鐺腹抽凍芋鳴薑沃烹螿

壽

配醢兔銀刀膾蘆鰻

壽

金屑霏桂蠹肉紅櫟剝皮香牙

黃蕉剝跗玉面文狸香

未

珠胎海盒吐江瑤極鮮腴壽

山鷓亦豐媻食單議嫌繁

壽

殺戒持未固夢甘羊蹴園

香 醉笑酒入務聊憑二簋設 未 莫限三爵數祭竈訪土

風 詩 伏臘徵典故炙冷更番温 霽 僕倦左右顧聚蚊已

收雷 香 獨鶴仍警露聯吟類女紅 未 短晷勤夜作明知

此間樂 詩 猶爲彼民懼少年競椎埋 霽 豪右縱淫酗抗

糧虎負嵎 香 亡命蝨逃綺奇貨橫攫人 未 詭計潛發墓

火攻蠻觸爭 詩 李代流傭雇桀驚未易馴 霽 顛蒙亦難

論使君下車來 香 次第令甲布出郭追胥頻 未 讞獄平

反屢威惠風草行 詩 面目塵塗污任重愁力單 霽 局定

識心苦久道期化成 香 尙德致刑措走險無鹿鋌 未 涵

恩若魚响訟庭可張羅 詩 窮櫺悉含哺爾時東閣闕 霽

讀日華草堂詩 二集卷二

二十

我輩南烹餽嬉春更延秋 香 從朝還及暮官醞清滿釘

未 蠻花燦盈圍一洗寒土寒 詩 同作寓公寓此願天或

償 霽 卽事吾能賦體賡石鼎奇 香 句借紗籠護先呼十

手抄 未 俾戡寄長孺 詩 蜀農

讀白華草堂詩二集卷四

戊子

鎮平 黃 釗 穀生

春正四日城南院中坐雨有懷仲弟笙調叔弟琴

展

爐竈紅情熱階除綠意新風寒萬間夏雨足一家春作
客同妻子爲儒異賤貧池塘剛屋後相憶此吟身

退燕居四詠霽青太守屬賦

養魚

東坡愛南屏此中有金鯽使君別西湖來作養魚客青

天白日中

韓江北樓有青天
白日石刻四大字

貯此一泓碧

讀白華草堂詩

二集卷四

供佛

當時築詩龕豈有意供佛龕成佛大笑卽此詩禪室安
知公非我瓣香受薰祓

讀書

抽身簿領堆隱几且讀書喜無寒具汚况有玉义挂一
幅勸耕圖大似浙西派

移竹

江干多笛材叢生不知重闢此地半弓移來及春種
脩兩三竿微吟和鸞鳳

寄楊海梁中丞兼呈 太保開府公

嵩高屹中州作鎮尊太室雄關逼峻潼沃壤以梁益二
東境毗連三輔勢并括 天子重河內世臣擁旌節維
時太保公督師掃回紇恭維 恩命下奉表上 丹闕
曰臣父子懃 恩重恐隕越 王師命犁庭臣職在統
帥逆裔首未獲老臣憤所切臣子供轉餉幸未致蹉跌
撫軍位望崇綱目愈宏濶 主恩縱渥優臣志常惴慄
帝曰俞嘉哉汝乃能不伐汝今身在羌汝昔功在滑
維茲豫省民感汝得存活穀洛汝潁間頻年患河溢汝
子職旬宣弼子用撫恤邇來年穀穰四野已清謐朕惟
汝子賢用是授之鉞太保奉劄回九拜謝 恩畢寄書
勉中丞 主恩深次骨忠勤勩 王家清白念勳闕天
山雪塞我瀚海波淳潏誓當蕩穴回且復整師出還
朝效山呼登封告咸秩

寄懷子履兼簡郭頻伽

自我別淮陰離惊一歲積川塗四千里不復得消息頃
者杭州將報我書一尺書來有君詩念我耿不釋嗚呼
性命交豈爲飛沈隔念君作冷宦誰與共晨夕况復憂
世心悲憫塞胸臆自從決高堰漕河事皆棘君如處圍
城空抱魯連策司空水衡錢坐費千萬億海運雖暫行
河流終患隘賢者當亦難庸流安足責君於八年中時

事俱目擊去春渡黃河共君論畫擘焉能拯溺饑但望
生禹稷別來閱邸報時復動心魄中夜頻夢君鬢髮皓
已白侵晨攬鏡看我亦來老色同然憂患深各爲身世
惜詩人豈多窮感喟由嫠恤淮南有高士折角異巾幘
君爲述我語當亦共肝膈

讀靈壽太守詢治韓江水患策賦呈一首

黎民懼非常時議安苟且緬懷疏鑿功孰慮遠大者塞
口以止啼計已出下下驅鱷事追韓治河策詢賈知公
思已焦顧予口忍啞年來海口閉河腹病癥瘕導之泄
尾閭厥劑利宣瀉借茲岐雷手沒彼禹益踝庶幾奠懷
讀白華草堂詩二集卷四

三

襄沈菑獲澹灑慨予邁洪流時維丙戌夏毀巢得蛟卵
翻糞出人鮒流移尙八口仰視無片瓦媿公經世心幹
濟本風雅非徒軫孤寒且用卹鰥寡方今堰黃流羣策
資取捨仍恃一綫隄萬室共蓬牖廠工木千椿堆卒葦
一把大患何時平年年仗白馬

明天潢小裔墓詩

有序

普寧城東崑岡書院琢玉軒前有天潢小裔墓
明宗室進士知縣事朱公女寄殞所也公諱統
鏞號肅園後於崇禎癸未禦山賊見害嗚呼滄
桑變改久澗銀潢煙霧淒迷空留石碣濺忠臣

之碧血焯草餘馨弔宗女之香魂幽花泣豔因
成短韻以代長吁

香芻何因擬寢園
匆匆埋骨黯銷魂
瘴煙散後流雲薄
一樹梨花琢玉軒

天潢小裔碣親題
落徑雲連碧草萋
誰與金瓠製哀誄
剪刀風已碎桐圭

羣盜如毛嘯海鄉
探丸日報劇倉黃
搥心一斗宗臣血
灑向東風哭杏殤

裂眦銜鬚泣鬼雄
一杯何處酹幽宮
芳魂未必安銀穴
馬革還應痛乃翁

讀日華草堂詩

二集卷四

四

此後滄桑更可憐
瑤池阿母亦潛然
赤鸚鵡是緋衣使
召汝驟鸞入紫煙

二百年來剔蘚碑
漆燈無燄玉棺遺
赤簫朱瑟均悽豔
腸斷難工幻月詞

西園坐雨二首

石淨娟娟竹亭流
淪淪雲舊巢團燕
侶新水興鷗羣徑
曲殘紅聚橋凹濕
翠分春寒簾不捲
香篆靜氤氳

樹暗雲重合池昏
雨又成魚含乘霧
意鶴作避風聲江
漲城根入峯巒屋
角生隱囊閒拄頰
時節廢春耕

三月三日湘橋襖集邀子未同作并訂波羅園之

遊

湘橋煙雨暗漁蓑盡敞紅窗酌碧螺四座袷衣寒士少
六蓬春水麗人多冶遊雋侶迷茫紫風浴閒情到鴨鵝
見說平泉饒竹石何時聯騎一經過前約波羅園之遊至日始移樽於此
總憲姚文僖師訃至泣成二十韻以誌哀感

跋履從升陛懸旌劇錄銘人萌頽泰岳天上坻台星一

代師資重 三朝翰墨馨論文標正軌植品示端型往

者持龍節頻叨刷鶴翎感知初學賦勵志益橫經豈謂

誇吳下依然滯楚庭梅花空占首劉以探梅二律柳汁受知擢置第一

木通靈每荷溫詞惜從教熱淚零門牆誰在列警效得

讀日華古堂詩二集卷四 五

同聆移搏嫌鷹隼傷和斥騰蹙低徊太倉粟往復土階

冀大體仍當顧仁言竊幸聽河門某侍御以上通州掃

劍言 之 自慚收赤箭彌歎拭青萍去日思函丈卿雲爛

闕廷秩宗咨典禮時兼署總憲請明刑師海歷卿貳掌

部 詎料移臺柏無緣乞伏蒼騎箕旋紫府戴斗躡蒼冥

撤帳悲懸絳垂編望炙青私恩寸公議應許享籩鉶

閱奏捷知道逆裔張格爾就擒恭賦四律誌喜

豈有雲垂礮真看雨洗兵時海甫連旬 挂弓傳捷奏罷餉合

歡聲凱已紆遲撤功猶算速成 紫光 詔圖畫班劫
此勲名

共識師貞吉都由 睿算高 玉關佇待人鐵蓋山名張逆就擒

處爾何逃冰雪懸軍出 狻猊抱樹號縛羊真一映檻送

莫辭勞

遙憶排仙仗千官候午門 羌戎知助順將帥各承恩

無外綏荒服居中識 至尊止戈欽 聖武帖耳靖諸蕃

蕃

今日屯田議無煩 聖慮籌大農應更喜上相果分憂

兵沴消金虎軍糧卧木牛 春耕還及種劍戟易勦糧

芷灣先生歸道山已年餘 繹讀行狀感成一首

墮地生天訝許同先生生卒皆同日 種花事了萬緣空先生前一日自

讀白華草堂詩二集卷四 六

澆所種花樹皆徧是夕至漏二下將寢戒僕曰明日吾生辰爾輩勿早來叩祝吾好夢寢至明晨先生不起家人視之已化去矣 九歌可續應憐我一笑無端敢惱公從大江

來尋瘞鶴先生督糧艘過楊子山獨乘小舸至焦山尋瘞鶴銘題一絕而去 向神山去

作冥鴻豐湖煙艇黃州笛魂 理還追玉局翁

徐烈婦詩

徐烈婦詩

烈婦林氏吾鄉人父 楚方以武進士官福建興

化都司氏年十七歸 桃溪徐氏子興章道光八

年二月興章暴亡有 謂其犯煞者氏哀痛誓欲

殉夫妯娌解慰之氏 曰吾志已定勿復強也其

姑勸之曰兒即欲殉 公未見汝翁何兒且待之

氏曰諾後數日翁自湖州回見之痛哭卽絕粒
三日後麻衣髻髮自經於房中時道光戊子三
月初六日也余業師左秋浦先生敘其節而爲
之徵詩因賦

長繩如虹貫天咫白光倒灑桃花水麻屨化蝶杖化龍
素面相招有月姊九天虎豹引朝真東海西河度劫塵
十方世界蓮花現定逐凶神護吉神

得林四園翰訊兼寄示陳雲竹遺詩數首感賦

逸區老友貧欲死日抱殘篇究終始突寒并缺黔婁妻
田荒全青淵明子別來已悵隔參商書去還欣報桃李

書白舟草堂詩

二集卷四

七

當時同輩有孟公迭主齊盟執牛耳一杯酒冷臘敦槃
百尺樓頽旌荆杞多君風義結遺文寄我零星裁片紙
可憐身後似長卿忍聽人前敗卓氏知君病卧得此聞
應向林頭碎壺起歎我蹉跎故人長鏡白柄謀一身
安得庭有三百匱交情生死不足盡要使階除鳥雀皆
安馴

長句奉簡張梅初先

天馬山樵伍負奇偉今之詩人古孝子當時中表數弟
昆君也孤寒行相似慈幃苦節車川年負米他鄉事甘
旨三十娶婦初爲養井白纜教助料理早出踏車兼厚

水白衣汗透午不止歸來白粲奉高堂盤有乾魚色恆

喜已將耕織娛晨昏尚為科名抱經史我初見君瘡方

起骨瘦神寒慄秋士驚人乍誦夢中詩黛擁春雲萬山

裏梅初為余言夢中得句宵來剪燭共三人時在伍雲齋中

對酒雄談掌同抵雲夫并氣觸訪護平子清言慎臧否

豈料浮雲屢變更却教得石相礪砥神魚拔宅同時空

丙戌水患余與梅初廬舍俱蕩盡初廬舍俱蕩盡梅初營巢何日始與君誼重約婚姻

顧我身輕賤鄉里吁嗟世事空復爾翁子功名樵夫恥

乞之片紙飯牛歌窮達何心隨運耳

明經畧翁襄毅墓

讀岳年平堂詩

滴小洼煎鼓殷雷番兒驚走太師來即看中夏能招討

已識防秋此將才失春有人開馬市銘功無地委龍堆

船燈煖火三河夜回首關門畫角哀

贈少師吳順恪墓

君不見斬蛟射虎周孝侯少時弩力鄉曲愁一朝改行

著節義轉覺文士無其雋又不見走及奔馬麥鐵杖舊

竹驍勇殊駘驩進為柱國劇成名羣盜滿山暗不響古

來豪傑類如此吳生自是奇男子西湖跣足乞相雄東

嶺建牙霸心死斯時少師擬錢王父子旌旄鎮故鄉正

當草昧驅除日賊歸誠海寇亡樵牛擊壤飲鮮血僕

慨酬恩進金玦紅棉十丈絮漫空一笑開筵看南雪吁
嗟乎漂母一飯哀王孫聞道千金亦報恩空憐野雉臺
邊碓不見麒麟冢上蹲

哀兩生 有序

余里居時與徐蘭伯賴復仁燕遊頗洽兩生雖
溷迹市塵然無世俗齷齪態間有所溺固無害
爲嶽寄歷落人也去歲復仁客死雲南未幾蘭
伯復病卒於家哀其年皆未及壯而遽淹逝爲

賦此詩

擲牝金何惜呼盧注不辭兩生如昨日一死竟同時新

讀白華宮堂詩

二集卷四

九

冢妖狐泣荒野象悲夜臺須痛飲半世負嶽寄

雙忠廟

廟門突兀立鬼馬雙忠血食徧天下當時止有顏常山
約共袁君抗賊者潼關不守哥舒翰幾見將軍頭肯斷
上方豈獨斬賀蘭房瑄持之罪難道爾時麾下兩偏裨
獨當一面皆可爲真卿不識事可知青騾西幸何足悲
嗚呼青騾西幸何足悲愛妾死爲君王妃

西園絕句

雲關泉壑闕蕭森荔子紅時一徑陰想到天風搖玉珮

相公鐘鼎有山林

評石魯梁瑤峯相國有詩刻石上

粼粼水北復蓮東六角亭陰四面空大扇平頭無坐處
一竿來討釣絲風

芭蕉葉大綠榕肥一片垣衣覆地衣閒聽園丁語房媪
今年水滿藕花稀

丈八溝中闢此灣竹深荷淨碧迴環牆頭欲放煙嵐入
廢堞騎來一角山

用昌黎符讀書城南韻示兒子

玉珽

山泉微果育養蒙實權輿所以古之人髮燥卽受書讀
書匪飾名飾名似車虛以其悔於終曷若奮厥初子弟
頭角異刮目先鄉閭父兄愛護之不啻新荀如爲虎或

讀白堊草堂詩

二集卷四

十

變鼠爲龍或變魚此豈所變異抑亦教督疎教督固須
密此事仍關渠攻書志嬾惰不如令牧豬勿令據軒檻
蟠腹如蜻蛉勿令鑽魚肉蠕蠕同蠅蛆玉也昔授書獨
學愁索居過庭有詩禮今豈猶昔歟珽也未成童腹笥
須早儲玉今課之誦當知惜三餘幸爲堅檳榔勿爲脆
巴且我無千畝莊令汝學把鋤又無一輛車令汝學駕
驢惟此數寸田筆耒從耕畚其間有茅塞旦晚須剷除
倘能博青紫絢簪而華裾讀書可致用亦免損聲譽卽
或長賤貧賤販沿村墟讀書旣識字處約心安舒時乎
不我再少壯忍忽諸我詩效父公望汝重踟躕

馱馬詩

憶昔戊辰歲騎馬上 祖墳徑路出車角 溪水迴淵淪
危橋十餘架 兩板當溪濬 自顧膽力強 策馬行洗洗 已
過八九架 馬忽足不前 俯眎前架橋 一板臨深淵 馬蹶
濶尺許 板無一尺寬 維時山漲高 水石爭豕喧 馬前不
得渡 馬後不得旋 四蹄戰欲折 驚汗收傾盆 耕者輟耒
歎 欲救嗟無門 馬忽轉身躍 入水浮濁渾 渾然負登岸
再生見諸昆 我幸全性命 馬已傷骨筋 馬主吾族祖 洵
所居 徑背村馬歸 遽病斃 廐養疑寡恩 隔日我造訪 割
肉供魚燔 烈性當毒暑 加以老酒温 其夜遽患痔 漬血
沾衣禪爾時 卽深悔 害義兼傷仁 不能助帷蓋 忍令羞
盤殮 至今二十年 耿耿心難安 生平出患難 此馬稱殊
勲 南康覆舟時 雖亦舟子 援我惠則已 酬彼念當可 諛
安得馬復生 芻豆終天年

城南四首

昌黎有別墅 營構當城南 符郎昔讀書 東野常遊探 潮
州城南隅 香火供書龕 諸生事絃誦 私淑從仰瞻 居然
尺五天 萬木高相參 啾啾兩鳥鳴 矯矯羣龍驂 公乎信
能來 此境非精藍

門前十畝池 一望渺林樾 如讀月臺詩 俯見城陰濶 旁

有數弓地菜丁自鋤垵烟波媚晨夕泛泛出漁筏山林
在城南此景爲誰設半生困旅食塵霧一朝豁相忘果
江湖何處無風月安得草堂費來買水雲窟

自我居此堂書聲達僧舍鐘魚日相聞用以警晨夜此

菴亦云古吾嘗賃過夏當年刺史來原道不相假何因

惠照徒得以長聲價院東叩齒菴潮州志稱
昌黎招大顛至郡居此綠陰覆桑

梯赤日蔭瓜架耕織未敢忘貓鼠自觀化

卧聞剝啄聲披衣起移燭心知兩阮來芸史弟
葆臣姪不復遣

僮僕山齋堆落葉幽棲似空谷况復風雨多誰欸瑟然

足旅居幸團樂客况慰幽獨談深興劇高街桥驟相促

讀白華草堂詩

二集卷四

十二

鄰巷門久扃池樹鳥羣宿舉頭見明月清陰護花竹

城南消夏絕句

方塘一鑑漾圓波瓦影沈沈織水梭尙覺湘江斑竹密

綠窗齊換武夷羅武夷羅似京師
冷布而較精細

杜門跣足更科頭大扇頻揮且汗流不信狎邪人不熟

矮燈團膝鬼樊樓

竹所榕陰此客寮山妻村女足逍遙苦羸茶卽廣東新
語步驚樹

勝雞蘇散閤向松風試急簫潮州白泥茶銕吾鄉呼爲
急簫以其急沸且沸時聲

如風過簫故名亦
東坡瓶笙之意也

天明粥熟就東家散學歸來日未斜松口荔支纔餉惠

又擔新到達濠瓜

枇杷樹裂遽薨薨鮮血香膚嗜不勝但向盤中鑽腐臭

潮州蚊笑惠州蠅諺語

束髮嬌兒甫受詩乃兄階下訓唔啣竹牀石枕縱橫放

合是拋書午夢時

刀翦無聲刺繡停鳴蟬如煮火雲蒸童孫三歲偏岐嶷

抱得西瓜粥鏤燈

廚媪偷閃學績麻晚呼取灌盆花來朝待造仙人凍

預囑凌晨汲井華涼粉草俗呼為仙人草廣東新語所謂仙人凍卽此

牆角纔飛一點螢露涼抹麗有濃馨卧聽兒女談天象

讀白華草堂詩二集卷四

新識河邊水鴨星

通宵蛙鼓與蓂更彷彿江村候水耕一事家人差駭異

撼牀初聽地牛鳴地牛形如鼃而小而聲最宏如雄牛

石室傳經圖為翁潛虛先生謙咸題先生為海州司鐸石室卽

宋石延年種桃處

海濱鄒魯想淳風孔望山名在海州青橫一畝宮不道三千

年石室披榛仍待蜀文翁

臯座尊嚴鄙絳紗盤中苜蓿代庖蛙春秋一卷傳家學

不是公羊賣餅家漢翁君傳穀梁春秋一卷

蒼藤翠壁闕松關雲構經營厦萬間謂石室建考棚事不比仙

人誇狡獪但將桃核擲空山

如此人師豈易求道高真似古壺邱共看當日容車地

已有神芝產上頭

謂令子遂菴宮允

六月初二日霽青太守招同鍾澹齋淮顧子壽兆

芝集韓江東樓卽事

君不見銅鉦曉挂樛桑東照見人海飛埃紅層樓百尺
俯欄楯市聲闐攘如屯蜂此邦富庶嶺嶠雄闐闐所聚
百貨充檳榔萋欖葵欄櫻魚鹽蜃盒餠鐵銅關市之征
當其衝使君坐鎮惟清風冰壺在胸豈熱中文書塞案
一掃空閑來五馬巡城墉四民安業四郊謐招邀朋舊

讀白華草堂詩

二集卷四

十四

攄歡棕疎簾清篔落子工犀譚塵論多名通三稜果五

味蘆酸辣同登盤荔子誇吳儂子壽初食荔支蘆鰻稻蟹鄉味

逢分湖話舊思漁翁太守與子壽憶及郭頻伽惜不偕座分詩筒火

雲卓午晴窰烘仰眺天半無飛鴻熱場雅集如此豈易

得且看往來如織汗脚之行蹤

哭林西園明經

西園以所著四書學解寄示昨得書云日來病

勢危急亟欲見其得失囑余商析後卽爲寄去

并聞詩娛室詩話曾採及其詩亦思一睹西園

得余覆書後九日遽逝僅一子往海外貿易妻

先亡訃至愴賦二詩以存梗概

一紙瀕危信知君任菴枯但傷聞道晚未覺好名迂忍
死身何有聊生策竟無泉臺應一笑不朽託詩娛

筮困憐君遇傳來足愴悽乘桴空有子踞竈久無妻歲
貢同陳橘年衰賦病黎南山高士碣忍痛欲親題

謝孝子璵詩

孝子吾鄉人字德壽母死厚葬爲賊所發孝子

呼天號泣終日賊忽蓬跣狂叫走死墓側事見

邑志

孝子讀書明大旨孝子葬親非墨子鄉中竟有發冢賊

讀白華草堂詩

二集卷四

十五

孝子難爲子輿氏此時搏膺惟呼天不如席裏包以氈
付之螻螻與烏鳶人皆忍親始得全呼號不絕朝逮暮
天不能言乃能怒蓬頭跌足呆誰使發冢賊來墓前跪
冬雷無聲震賊死得非天怒乃如此百餘年來在人口
孝子姓名堪不朽白馬鄉人謝德壽

黃烈婦詩

烈婦賴氏爲黃立富妻適立富甫一年而寡父

母欲奪而嫁之婦乃食鉤吻而死縣令蔣彌高

爲文以祭且立碑表之見邑志

人言鉤吻能斷腸妾言鉤吻同鬱香妾腸早斷豈須此

服此轉覺魂飛揚魂來隨君采蔡蕪安今幸保千金軀
山有狼兮梁有狐妾軀可糜心不渝吁嗟乎人生百年
若朝槿不死之藥乃鉤吻君不見墓門下馬來縣尹

寄高臺令古葯欄姊丈兼懷開府楊公時齋及方

伯顏魯輿

崑崙山前曉吹角西陲叛羌已就縛戍兵盡返祁連屯
椎牛聽唱從軍樂君來作令向平川且喜烽煙正清廓
崆峒山勢入秋高張掖河流向冬落想當列站羽書馳
轉餉犒軍紛繹絡事平幸預錄微勞最報還看量好爵
米川五載劍頭炊幣賦實難供悉索擬奏君王乞酒泉
恰到高臺縱春酌憶君久歷尉簿丞白草黏天度沙漠
雪山蛆肥行旅餐冰磧駝高健兒躍守捉羣誇大使能
寬平未信儒生弱蕃擾具有牧民理令長多年試材畧
卽今大府已受知慎勿階前學唯諾撫字深心肯喚咻
駕馭長才願恢拓宏農開府今褒鄂平原亦司北門鑰
朝廷當無西顧憂爲道郟生懶入幕

讀王文成平宸濠紀功碑題後

封狼竄入寧王府三巨人已守環堵漁舟一葉送中軍
如縛孤豚付刀俎維公應變信如神世有真儒果不腐
戡亂功成羣小慍練兵慮匪邪謀沮勲勞至大不矜伐

奏疏他年上當寧辭封辭蔭匪虛文自有真誠出肺腑
貪功攘善臣所恥涕泣陳辭再傾吐忍將黨逆累門牆
竟使奇功掩園土當時設間從違籌肯信良知用心苦
舟中黃蓋共誰張馬上紅旗有人阻鈞帖惟傳朱太師
捷音漫聽王巡撫已看易服籠爲魚况復竊權鼠俱虎
倖殊北狩陷烽塵尙許南巡唱威武始知隻身繫安危
只令羣狙平喜怒六飛安穩迴燕京宗社有靈生碩輔
君不聞帳前猪首綠熒熒妖異何能動人主

九日金山頂登高

焜黃點樹綠乾沙天與焦蘇足斧柯趁鸞子墟湖蟹上

讀日春堂詩

二集卷四

五

放蠻童學紙鷓多疲牛似蝨緣山斫去屐如繩貼水抱
幾處高臺人取醉不知洲畔有漁歌

消寒四詠

寒雞

長鳴敢詡羽毛豐且向寒窗耐北風老圃漸忘蟲得失
華軒冷看鶴氅氈神仙但恃丹能熱食客深慙氣不雄
唱破嚴宵遲浴日算渠饒有補天功

寒犬

瑞雪天街攪作團往來馳報老農權平原見獵黃衫俊
遠道傳書翠袖寒門巷蕭條終戀主貂蟬暖煖敢彈冠

殘年寇賊縱橫甚賴汝周防邏夜闌

凍蠅

癡絕當時觸熱場可知人世有炎涼朱門酒肉廚中冷
白屋窗櫺雪後光畫筆曾憐寫生手梅花未是返魂香
何方噓汝蘧蘧活冰語從頭與誦莊

凍雀

籬頭牆角抱冬心雪片飛來深又深清絕竟無煙火氣
饑來嬾作啞嘲音白翎冷唱霜飛塞翠羽清愁月在林
比似紆于山尚好梅花國裏過重陰

題呂荔帷同年畫蘭

讀日華首堂詩

二集卷四

六

澗水迢迢易水寒桂花幾日便開殘知君死願爲陶土
半貯醇醪半栽蘭

寄懷何子貞卽用其送予由泐上急歸韻

僵蛟泣奇寒一夜海水凍枯桑幻琴材颯颯作酸弄心
聲君胡傳嘔出每駭衆猶嫌食茶甘必欲灼艾痛吾嘗
竊疑之觀理豈不洞繼乃知其賢不屑混雞鴈膏粱純
綺中公子日醉夢科名有詭遇已失王良控君詩自悲
傷忠厚絕嘲諷偶爲陸雲笑亦過唐衢慟我欲廣君意
和平釋怨恫離騷雖楚聲天地值昏霧而今誅蕩塗天
馬各引韉紅塵安能埋溫卷詎須送千年古銅花久矣

博石礪行看秋雁酸換作春鳥啼

憶前歲南歸子毅子敬皆有詩寄送因用前韻奉

答一首

風沙簸窗櫺硯水已醪凍曾於暖炕頭呵筆看學弄靴
靴露頰角出語輒驚衆女子有父風兄弟切癢痛摹帖
互撥燈讀書共穿洞常嗟壁畫龍豈兒門題鳳我時靴
繫鞋來踏柳柯夢幾番紅勒道未敢綠章控汗顏對諸
豪荒莊可以誠何期下子林反代賁生慟感君慰喻情
一欵失百惘石如皎月來萬里歸烟霧長安多貴遊白
馬青絲鞵而我坐五窮車船不能送君非少年語金石
讀白
來錯礪三年如報書好音出幽

泉樓

費盡高樓一笛心欄杆敲漏獨沈吟美人衣似秋雲薄
歸雁天如碧海深卽事偶談眉子硯相思空撫落霞琴
朱顏青鬢西風早爾許清愁可易禁

冬來

冰簟精籜已昨朝青瘧暖到小團焦冬來詩似酒生醇
蝶去花無人欲寒補屋牽蘿仍有待閉門種菜豈無聊
園丁生計五簞美菱藕收完又剝蕉

梅花四首

玉蝶飛飛簇一身羅浮嶺下此春人心香未豔金荃富
骨冷能棲石屋貧老手銀鈎偏斌媚古肝銅照劇輪囷
那爭世上閒桃李自縛青鸞掃碧塵

修到今生費幾生但饒標格十分清市中易識神仙姓
甌底難知宰相名鴻爪尙從沙渚印鶴糧仍借石田畊
玉簫寶帳渾閒事不分調來只菜羹

昨夜笙吹玉女扉不勝清怨惱瑤妃軟煙夢蝶虛羅帳
明月乘鸞冷畫衣海上紅襟甘負約枝間翠羽儘羣飛
美人遲暮眼難穩侵曉來寒薜荔幃

老鶴殘年有所思依然茅舍與疎籬誰從谿背尋詩日
識到亭心養酒時鏡裏馬看奇骨格崖前蜜記冷心脾

讀白華堂詩

二集卷四

二十

開花自白成陰綠一任東風信早遲

十月十三日馮默齋教授

奉初

招同林芾南殿撰

召棠

屈天閑學博

龍曠

楊介亭公子集鳳凰臺

如此江山合有詩眼前况與列仙期龍頭瀉酒消虹渴
鼇背乘風當鶴騎三萬日中須痛飲一千年後費沈思
多君懷抱能高寄拍遍闌干笑撚髭

讀陳玉珊丈

海霖

近著奉呈二律

眼角九州橫胸頭五嶽平酒杯乾趙土劍匣躍秦聲鹹
淚枯魚泣酸嘶孽雁鳴艱難爲防墓風義仗門生

謂桂山觀

繭足千山道麻鞵歎少陵君親同刺骨兒女各填膺獨
行殊今孝孤懷近古矜知公有忠愛終見拾遺徵

得仲弟笙調訃將匝月隱恨填胸無由述痛窮陰
悶坐觸境哀傷始放聲哭之

析產不能讓質產不能贖嗚呼我於君義已虧手足心
猶冀後來升斗得微祿庶幾共溫飽一享晚歲福而今
竟已矣此陷成阬谷

先人有薄田僅足糊八口自從遭水災爨若喪家狗君
從江南歸待斃忍束手豈無非義與臨財戒母苟我時

讀白華草堂詩

二集卷四

三

客山左得歸已稍後饑寒不相顧驅我復出走嗚呼匹
十年與君幾聚首死爲繳雁傷生作饑鴻守

君雖薄名揚亦復事吟弄幼年誦世說了了別雞鳳漫
同三語掾禾博五斗俸壯歲困衣食窮途渺親從翩翩
書記才孤寒百無用應悔誤讀書識字不足重

讀書固無益癖嗜不能已蕭條斗室中四壁置圖史聚
頭乞書畫藉友天下士以君抱雅尚覺我猶吝鄙秋菊
圖高人春蘭寫君子

弟善畫
蘭菊

而今復何有人琴俱亡矣

芋園礦礮開遠近多被害叩 閨君不知簽名出狙僮

我方議欲首君乃不謂肯謂當全鄉閭慷慨出簿對劇

害得奏除所見何其大生平若畏事此舉甘愛賣嗚呼
君子人蹈仁死無悔

思君疇曩事歷歷猶在眼去年當此月盡室送君返君
攜我室來君去齊繾綣豈知千古別爾時不謂遠朝來
烹伏雌勸君加餐飯回憶送出門竟若自厓反

月前寄我書感喟近時事上言侯官師心香厦門有詠

至旅櫬歸三山同年尙風義倪竹泉下言白渡生宋詠

舍一病復長逝此君兄誼友當致贈與穉生平幾腹痛
一旦猝有二何期一句中凶問君乃繼嗚呼地下人推

我肝與肺

讀白華草堂詩

二集卷四

三

哀哀父母心追思益悲涕於我特鍾愛謂能恤兩弟而
今究何如一貧盡如洗死者悲寸棺生者艱斗米括然
爲人兒得不賴有泚覲顏向友朋溺情厚妻子富貴須
何時九原應冷齒

東坡生日日集霽青太守蕉舫拜惠州石刻笠屐

圖像用本集松風亭下梅花盛開韻

昌黎祠廟留蠻村荔蕉舂蠻千年魂公生後韓二百載
亦來嶺嶠開蒙昏吾宗太守晚好事不以香火供祇園
官齋懸像拜笠屐已覺茗醞鑪香温連旬沍寒忽晴霽
更喜炙硯烘朝暎三人來若客不速澹齋寶老守一笑

伏扃門沈檀數斤足頂禮二語借用集中學佛關佛俱

忘言詩成正合索桂醕借公餘瀝傾千樽

讀白華首上堂詩二集卷四

二十三



